



07855

經義述間弟二十二

春秋名字解詁上

鄭游吉字子大叔

襄二十八年左傳

取大吉之義也。大當如字讀。二十二年二十四年傳

釋文竝音泰非也。大叔論語憲問篇作世叔。世大聲

相近。大正字也。世俗字也。桓九年傳正義曰。諸經稱

世子及衛世叔申。經作世字。傳皆作大。然則古者世

之與大。字義通也。案公羊經文十三年世室屋壞。左

氏穀梁竝作大室。左氏經。昭二十五年樂大心。公羊

作樂世心。曲禮。不敢與世子同名。鄭注曰。世或為大

述三二

則大世古通用也。爾雅。父之弟。弟先生為世父。後生

為叔父。釋名。父之兄曰世父。言為嫡統繼世也。案世

亦大也。叔小雙聲。世大疊韻。世父叔父相對。成文則

叔為小。世為大也。若但以繼世為解。則何以解於父

之仲兄不為後者乎。

晉梁釐字餘子

閔二年左傳。案餘子猶言子餘也。毋求

言子有也。晉有梁五梁。由靡梁。丙梁。蓋可俱以梁為姓。

梁餘子亦是也。文十一年左傳正義曰。古人連言名字

者。皆先字後名。案傳中有姓名與字竝稱者。若百里孟

明視苑。羊牧之。梁餘子釐之類。皆先字而後名。廣韻及



爾雅曰。蕞長也。餘亦長也。廣雅餘。長久也。老子曰。脩之於家。其德乃餘。脩之於鄉。其德乃長。長餘皆久也。養與餘皆有長久之意。故名養字餘子。

吳伯髡字子餘

哀八年左傳

髡之言丕也。說文髡。大也。物小則不足。大則有餘。故名髡字子餘。或曰。髡與餘皆謂眾多也。髡。伋古同聲。廣雅曰。伋。伋。眾也。高誘注呂氏春秋辯土篇曰。餘猶多也。孔晁注周書羅匡篇曰。餘。眾也。

楚秦商字子丕

史記仲尼弟子傳

商與章古字通。費誓我商賚女釋文曰商徐音章呂氏春秋勿躬篇臣不如弦章韓子外

述二十二

二

儲說作商之言章。盛也。大也。呂氏春秋審時篇得時

之稼。其氣章。高誘注曰。章盛也。孝經內事圖。帝座章而光。宋均注曰。章大也。孫穀古微書引商有盛大之義。故字

子丕。爾雅曰。丕。大也。孔子弟子卜商字子夏。漢書儒林傳。許商字伯長。漢繫陽令牌陰。張商字伯璋。與偉

夏也。長也。璋也。皆大也。

衛卜商字子夏

仲尼弟子傳

樂記曰。夏。大也。秦商字子丕。則商亦大也。商章古字

通。見上漢書遊俠傳。萬章字子夏。與此同意。或曰。取章

夏為義也。春官鍾師。九夏有章夏。杜子春云。臣有功

奏章夏或曰商殷商也夏夏后氏也

齊東郭賈字子方

哀十四年左傳

賈夏古字通

史記趙世家北登夏屋漢書地理志作賈屋

夏大也韋昭晉

語注曰方大也方之言宥廣雅曰宥廣也又曰宥大

也方宥古字通

堯典共工方鳩僝功史記五帝紀七卷舉陶謨方施象刑惟明新序節士

篇作宥是夏與方皆大也

附周王子虞字子于

史記晉世家案虞周初人

虞吳古字通

周頌絲衣篇不吳不敖楮少孫補史記孝武紀引作不虞不驚

方言曰

吳大也又曰于大也檀弓易則易于則于正義曰于

音近迂是廣大之義文王世子況于其身以善其君

述二十二

三

乎鄭注曰于讀為迂迂猶廣也大也尚書大傳羲伯

之樂名曰朱于鄭注曰于大也

見儀禮經傳通解續因事之祭

虞古娛字

取經音義三引張揖古今字詁云古文虞今作娛

白虎通云虞者

樂也虞之言娛也于讀為盱盱亦樂也豫六三盱豫

釋文向云睢盱小人喜悅之貌鄭風溱洧篇洵訐且

樂釋文洵韓詩作恂訐韓詩作盱云恂盱樂貌也

蔡公孫霍字盱

哀四年左傳

霍大貌爾雅大山宮小山霍風俗通義曰萬物盛長

霍然而大盱之言于也大也爾雅訐大也方言中

齊而楚之閒曰訐訐與盱聲義亦同

晉女寬字叔衰

晉語

說文衰衣博裙也淮南汜論篇曰衰衣博帶主術篇曰一人被之而不衰萬人蒙之而不彌高誘注曰衰大也彌小也漢書王莽傳後世衰主李奇注曰衰主大主也字通作葆禮器不樂葆大鄭注曰葆之言衰也是衰者寬大也漢韓勅碑陰王衰字文博孔宙碑陰陳衰字聖博與此同意

鄭渾罕字子寬

昭十八年左傳正義

罕讀爲衍

鄭公子嘉字子罕宋樂喜字子罕皆俗罕爲衍

漸六二飲食衍衍

馬融注曰饒衍

釋文

王肅注曰衍衍寬饒之貌李善魏都賦注

述三二

四

鄭公子呂字子封

隱元年左傳

呂之言甫也

周書呂刑禮記孝經並引作甫刑

爾雅曰甫大也淮南

天文篇仲呂者甲充大也南呂者任包大也方言呂

長也宋魯曰呂長亦大也商頌殷武篇封建厥福毛

傳曰封大也

鄭公孫僑字子產

襄二十二年左傳

一字子美

二十五年傳

僑與產皆長大之意說文僑高也犬戴禮記衛將軍

文子篇其橋大人也盧辯注曰橋高也高大之人也

爾雅喬高也又曰大磬謂之磬犬管謂之箴犬箴謂

之產是僑與產皆長大也漢書馮奉世傳馮遂

讀若駿爾

雅駁。字子產。後漢書宦者傳。鄭眾字季產。其意皆爲大也。一字子美者。說文美從大。則美亦大也。隱五年公羊傳曰。登來之者何。美大之之辭也。

宋公孫願。釋字頤父。檀弓正義引世本。后甫願。釋文十八年左傳正義引作頤父。澤。

爾雅頤。犬也。說文頤。犬頭也。又曰。頤。犬頭也。頤之言元也。小雅六月篇。毛傳曰。元。犬也。方言。釋既廣又大也。釋之言奕也。爾雅奕。犬也。

宋公子充。后字皇父。文十一年左傳。

充。后。美大之意也。皇亦美大之意。說文充。長也。高也。

長與高皆大也。呂氏春秋必己篇。禍充天地。淮南說

述三二

五

山篇。近之則鐘音充。高注竝曰。充。大也。孟子盡心篇。

充實之謂美。充實而有光輝之謂大。是充者美也。大

也。爾雅頤。犬也。漢書律厯志。后。大也。后。頤古字通。世本

頤父澤。又作后。甫頤。釋見上。爾雅狼跋篇。公孫頤。膚。毛傳曰。頤。大

膚。美也。陳風澤陂篇。有美一人。頤大且好。是頤者美

也。犬也。爾雅皇皇。美也。尸子廣澤篇曰。皇。大也。爾雅釋詁

疏。大雅皇矣篇。皇矣上帝。毛傳曰。皇。犬也。周頌執競

篇。上帝是皇。傳曰。皇。美也。是皇者美也。犬也。

宋南宮萬字長。莊十一年左傳。作南宮長萬。十二年經作宋萬。傳亦作宋萬。又作南宮萬。梁氏

處素曰。疑長是其字。案春秋時名字竝稱者。皆先字而後名。故曰南宮長萬。

萬讀曰曼。魯頌閟宮篇孔曼且頌。毛傳曰曼長也。曼與萬古字通。荀子正論篇曼而饋。楊注曰曼當爲萬。列萬舞而進食是其例也。

附 魯公子鞏字后。檀弓后木。鄭注曰魯孝公子惠伯鞏之後。正義曰世本孝公生惠伯鞏。其後爲厚氏。世本云鞏。此云鞏世本云厚。此云后。其字異耳。鞏革乃鞏之脫文。古人以王父字爲氏。惠伯名鞏字厚。故其後爲厚氏。房氏春秋案微篇高注曰后氏魯孝公子惠伯革之後也。以字爲氏。因曰后氏。是也。風俗通誤謂會采於邠因氏。辯見左傳述聞。

后讀爲厚。鞏堅厚也。爾雅鞏篤擊。固也。擊與堅同。篤擊厚也。鞏篤擊同義。篤擊訓爲厚。鞏亦得訓爲厚也。凡物薄則脆。厚則堅。故堅固之義與厚相因也。

述三十一

六

宋公孫嘉字孔父。桓二年左傳孔父嘉。先字而後名也。杜注以嘉爲字非。楚成嘉

字子孔。文十二年傳。鄭公子嘉字子孔。襄九年傳。

說文孔通也。從乙子。乙請子之候鳥也。乙至而得子。

嘉美之也。古人名嘉字子孔。案孔好一聲之轉。空謂

之孔亦謂之好。鄭眾注考工記玉人曰好璧。孔也。孫炎注爾雅釋器同。嘉美者

謂之好。亦謂之孔。義相因也。漢書禮樂志令問在舊

孔容翼翼。孔容嘉美之容也。孔容翼翼猶言令儀令

色。小心翼翼也。漢劉熊碑陰屈孔子子璣璿禕古字

通。爾雅禕美也。則孔亦美也。嘉與孔俱有美意。亦俱

有大意。爾雅假犬也。假嘉古字通。大雅假樂篇假樂君子中庸引作嘉

樂君子。其義同。老子道篇。孔德之容。惟道是從。河上公

注曰。孔。犬也。犬。元。羨。次五。孔。道。夷。如。范。望。注。曰。大。道

平易。

楚公子善字子元 楚語注

乾文言曰。元者善之長也。彙典曰。惇德允元。

曹公子欣時字子臧 成十三年左傳。又成十六年公羊傳。作喜時。漢書古今人表。作制時。

小雅頌弁篇。爾猷既時。毛傳曰。時。善也。士冠禮。嘉薦

亶時。言嘉薦亶善也。周書小開篇。何敬非時。何擇非

德。言何敬非善也。欣時。喜善也。時。善聲之轉。欣喜亦

馨之轉。故公羊傳作喜時。字子臧者。爾雅。臧。善也。

述二十二

魯公藐字若 定十年左傳

爾雅。藐。藐。美也。說文。藐。美也。藐與藐同。若亦美也。爾

雅。若。善也。呂氏春秋古樂篇。高注曰。善美也。

宋向宐字子祿 昭二十一年左傳注

小雅鴛鴦篇。福祿宐之。是其義。或曰。宐與儀通。爾雅

曰。儀。善也。廣雅曰。祿。善也。

鄭公子去疾字子良 宣四年左傳

疾。惡也。良。善也。去疾。故良也。昭九年左傳。辰在子卯。

謂之疾日。杜注曰。疾。惡也。疾為惡。亦為弱。良為善。亦

為彊。周語。棄壯之良。而用幼弱。之猶與也。謂棄壯與良也。之訓為與。見釋

詞良與弱相對成文則其義爲彊矣。人有疾則弱故謂之不良。昭七年傳孟縶之足不良。史朝曰弱足者居是也。

齊高彊字子良

昭八年左傳

良亦彊也。良與梁古字通。墨子公孟篇身體彊良。卽

彊梁也。吳語夫吳良國也。能博取於諸侯。良國彊國

也。韋注曰良善也。失之。良又爲勉彊之彊。楚語蔡聲子謂湫舉

曰。子尙良食。言子尙其彊食。彊食者努力加餐之謂

也。韋注曰尙強也。良善也。失之。考工記梓人曰。強飲強食。是其義

魯孔紇字叔梁。史記孔子世家叔梁紇襄十年左傳正義曰名紇字叔梁古人名字並言者皆

述二十二

先字而後名。梁元和姓纂紇字注景德本儒行正義皆作良。

紇讀爲仡。聲近假借也。彊壯謂之仡。亦謂之梁。說文

仡。勇壯也。引秦誓曰。仡仡勇夫。宣六年公羊傳。仡然

從乎趙盾而入。何注曰。仡然。壯勇貌。老子德篇。強梁

者不得其死。墨子魯問篇。其子強梁不材。莊子大宗

師篇。無莊之失其美。據梁之失其力。李頤注曰。據梁

強梁也。釋名說宮室曰。梁彊梁也。古人以王父字爲

氏。潛夫論氏姓篇。鄭其叔之後。爲彊梁氏。元和姓纂

引世本。衛將軍文子生慎子。會生強梁。因氏焉。是古

人名字多取彊梁之義也。梁或作良。見上良亦彊也。故

齊高彊字子良

曹邴字子循仲尼弟  
子傳

邴讀為率。古字邴與率通。邴卽恆之別體，多士罔不  
明德，恆祀。史記魯周公世

家恆作率。爾雅：率，循也。故名率字子循。

鄭罕達字子姚哀二年左  
氏經傳一字贍哀九  
年傳

姚讀為佻，說文：達，行不相遇也。引詩：佻兮達兮。鄭風  
子衿

篇今詩佻作挑。毛傳曰：挑，達往來相見貌。姚，佻挑古

字通。達之為姚，猶健之為逃，皆有所往也。方言：健，逃

也。尚書大傳曰：晦而月見而方謂之眺。鄭注曰：眺，條

也。條，達行疾貌。太平御覽  
天部四聲義並相近。達與佻，一聲

述二十二 九

之轉也。說文：贍，送也。送亦往也。威象傳：膝口說也。釋

文曰：贍，達也。虞作賡。鄭云：送也。賡與贍聲近而義同。

贍之言騰也。廣雅曰：騰，奔也。釋  
官又曰：疾也。厥經音義  
卷十八

正與條達行疾貌之義相近。贍之為騰，猶賡之為騰。

也。犬射儀：鄭注曰：古文賡作騰。

齊闕止字子我哀十四  
年左傳

我讀為儀。小雅角弓篇如舍安，餽釋文曰：安本作儀。  
韓詩云：儀，我也。古讀儀如俄聲，與我相近。

故通作我。儀，威儀也。止，容止也。鄘風：相鼠，人而無止。鄭

箋曰：止，容止也。引孝經曰：容止可觀。爾雅曰：其虛其

徐，威儀容止也。是止與儀同意。故相鼠曰：人而無儀。

又曰人而無止又曰人而無禮儀也止也皆禮也小雅小閔篇箋曰止禮也是也犬雅抑篇亦曰淑慎爾止不愆于儀

齊高止字子容襄三十九年左傳

義見上。

衛公子瑕字子適僖三十年左氏經傳

管子小問篇說玉曰瑕適皆見精也尹知章注曰瑕

適玉病也揚倅荀子法行篇注以適為玉之美澤調適之處非是呂氏春秋舉

難篇尺之木必有節目寸之玉必有瑕適玉有疵謂

之瑕適猶言有疵謂之瑕譚也老子道篇善言無瑕

述二十二

譚河上公注曰無瑕疵譚過於天下也譚與適通

宋公子說字好父桓元年左傳正義引世本

方言婉好也郭注曰謂姪婉也婉說古字通好謂之

說好焉亦謂之說周語厲王說榮夷公韋注曰說好

也小雅彤弓篇中心好之毛傳曰好說也說亦作悅

廣雅曰悅喜也呂氏春秋壅塞篇高注曰好喜也

鄭公子喜字子罕成十四年左氏經傳宋樂喜字子罕檀弓下篇鄭注又正義引世本

義引世本

說文曰衍行喜兒衍罕古字通

宋公子術字樂甫檀弓下篇鄭注及正義引世本並作樂甫術文七年十八年正義引世本

同唐書宰相世系表及通志氏族略術作行非也  
術與罕同子罕為樂甫五世孫不應與其祖同名

術與遂古字通

文十二年左氏經秦伯使術來聘公羊術作遂月令審端徑術鄭注曰術

周禮作遂小雅雨無正篇飢成不遂毛傳曰遂安也淮南

汜論篇高注曰安樂也遂有安樂之義故名遂字樂

甫

秦孫陽字伯樂

楚辭七諫注又史記司馬相如傳索隱引張揖注

王風君子陽陽篇君子陽陽君子陶陶毛傳曰陽陽

無所用心也陶陶和樂貌鄭箋曰陶陶猶陽陽也正

義曰史記

晏嬰傳

稱晏子御擁大蓋策四馬意氣陽陽

甚自得

今本史記陽作揚

則陽陽是得志之貌賢者在賤職

述二十二

士

而亦意氣陽陽是其無所用心故不憂下傳云陶陶

和樂亦是無所用心故和樂也案陽之言暢也其心

舒暢也字或作揚荀子儒效篇得委積足以揜其口

則揚揚如也楊注曰揚揚得意之貌陽為得意之貌

故字伯樂矣

晉鄧無恤字伯樂

晉語又漢書古今人表

一字子良

哀二年左傳無恤晉語作

無正蓋恤通作皿皿字篆文作皿與正相似而譌呂氏春秋似順篇法及淮南覽寘篇法又譌作無政耳古今

人表中有鄧亾而無鄧亾正則正為譌字可知

爾雅恤憂也無憂則樂矣故無恤字伯樂良或作梁

孟子滕文公篇王良卽鄧良也荀子正論篇作王梁淮南要略篇康梁沈泗高

注曰康梁耽樂也。

鄭國參字子思

哀五年左傳

參讀為慘爾雅曰慘憂也憂思也又曰愁思也周南

汝墳篇愁如調飢韓詩愁作慟云憂也

見釋文

是憂亦

謂之思小雅正月篇瘋憂以痒雨無正篇鼠思泣血

鼠思卽瘋憂也樂記曰亡國之音哀以思猶云哀以

憂也又曰志微噍殺之音作而民思憂與下文之康

樂剛毅肅敬慈慶淫亂皆二字平列思亦憂也古人

自有複語耳。

燕級字思

仲尼弟子傳單行索隱本

魯孔伋字子思

孔子世家

述二十二

十一

級與伋皆急字之假借也

桓十六年左傳急子邙風新臺序作伋

急者

憂恐迫切之意莊子天地篇汲汲然惟恐其似己也

汲與急通淮南繆稱篇汲於不知己者不自知也高

注曰伋急也是急為憂恐也思亦憂也

說見上

故名急

字子思。

魯原憲字子思

仲尼弟子傳

說文憲敬也僖三十三年左傳杜預注曰敬審當於

事也憲有審當於事之義故字子思或曰憲與獻通

思與偲通皆謂多才也周書謚法篇曰博聞多能

曰獻史記正義獻作憲齊風盧令篇其人美且偲毛

傳曰。偃才也。鄭箋曰。才多才也。

楚卻宛字子惡昭二十七  
年左傳

宛當讀為怨。宛怨古同聲。故偕宛為怨字。又作惋。秦

策曰。受欺於張儀。王必惋之。史記楚世家。惋作怨。是

也。怨惡義相近。故名怨字。子惡大雅假樂曰。無怨無

惡。夏官合方氏曰。除其怨惡。

顏高字子驕仲尼弟  
子傳

史記孔子世家。漢書古今人表。皆作顏刻。案高乃亭

之譌。亭隸  
作克亭刻同聲。古字通用。說文亭象屋下刻木  
之形。大雅雲漢箋曰。

克當  
作刻論語憲問篇。克伐怨欲。馬注曰。克好勝人也。意

述三二

與驕相近。故字子驕。

魯公山不狃字子洩。定五年左傳。不狃論語陽貨篇作  
弗擾。擾假借字也。古音狃與擾同。

不語詞。不狃。狃也。洩與忭通。爾雅。狃復也。孫注曰。狃

忭前事復為也。鄭風大叔子  
田篇正義說文。狃。犬性忭也。桓十

三年左傳。莫敖狃于蒲騷之役。杜注曰。狃。忭也。正義

曰。說文云。狃。狃也。說文狃字次狃字下。蓋有  
一曰狃也。句而今脫去。忭。習也。

今本說文  
忭改作悞郭璞云。質忭也。今俗語皆然。爾雅。質  
習也。注則狃

忭皆貫習之義。以上  
正義鄭風大叔子田篇。將叔無狃。毛

傳曰。狃。習也。是狃與忭同訓。忭。張揖雜字音曳。爾雅  
釋文

正與洩同聲。字林曰。悞。習也。獸經音義  
卷十三悞。即忭之或

體也。或謂不狃字子洩。取爾雅釋獸闕洩多狃之義。案郭注闕洩多狃曰。說者云。脚饒指。蓋讀狃爲其跡。丸之丸。釋文。丸字。林或作狃。郭注其跡丸曰。丸指頭處多一指。則多一跡。故以饒指釋多狃也。據此則闕洩之獸。其狃多於他獸。故曰闕洩多狃。若果取此義。則當名闕洩字多狃。其義乃明。今不云多狃。而但云狃。則與他獸之跡無異。何以見其爲闕洩乎。獸以闕洩爲名。又何得單稱洩乎。或說非也。

申黨字周

仲尼弟子傳單行。索隱本申黨作申堂。漢郎中王政碑作申棠。論語公冶長篇作申枏。

黨與周皆朋輩相親密之義。

廣雅。黨比也。雜記。鄭注。黨猶親也。文十八年左

近二十二

齒

傳杜注。周密也。離騷王注。周合也。

文十八年左傳。頑嚚不友。是與比周。比周猶比黨也。儒行曰。讒諂之民。有比黨而危之者。是也。齊策。夫從人朋黨比周。莫不以從爲可。荀子臣道篇。朋黨比周。以環主圖私爲務。

晉狐突字伯行

晉語注。

突之言駮也。說文。駮馬行疾來兒。大雅。絲篇。混夷駮矣。毛傳曰。駮突也。鄭箋曰。驚走奔突。張載注。魯靈光殿賦。引詩作昆夷突矣。班固而都賦曰。窮虎奔突。狂兕觸蹶。突亦奔也。突爲奔走。故字伯行。

魯左人郢字行

仲尼弟子傳。

說文徑徑行也。又曰。楚謂疾行爲逞。逞。郢。古字通。

左傳衛公子郢漢書古今人表作公子逞。

齊陳逆字子行哀十一年左傳

行。官名。謂行人也。管子小匡篇。隰朋爲行。尹注曰。行

謂行人也。周語敵國賓至。行理以節逆之。賈注曰。理

吏也。小行人也。僖三十年左傳正義秋官小行人。凡諸侯入王

則逆勞于畿。

楚屈到字子夕楚語

到。至也。到字子夕。蓋取朝發夕至之義。楚辭離騷。朝

發軔於蒼梧兮。夕余至乎縣圃。

述字二

五

附 楚莊企足字躄呂氏春秋異用篇

說文曰。企。舉踵也。又曰。躄。舉足小高也。今本小作行。據漢書高紀

晉灼注及音書音義改。

齊慶舍字子之襄二十八年左傳

夏官司戈盾鄭注。桓十六年。公羊傳。何注。竝曰。舍。止

也。之。當爲止。二字篆書相似而誤。陳風墓門篇。歌以

歌以詠止。小雅車牽篇。高山仰止。釋文曰。本或作仰之。

魯秦非字子之仲尼弟子傳

非與飛通。史記秦本紀。大駭生非子。盧諶贈崔溫詩。作飛子。漢蔡邕頌。孔耽牌。皆以飛爲非。

字亦作蜚。漢書宣帝紀。顏注曰。蜚。古飛字。之當爲止。字之誤也。說見上。

小雅四牡篇曰。翩翩者騅。載飛載止。

公祖句茲字子之。仲尼弟子傳

句與拘通。說文曰。拘。止也。茲如詩昭茲來許之。茲。語

詞也。大雅文王有聲篇。昭茲來許。續漢書祭祀志。劉注。引謝沈書作昭哉來御。是茲為語詞。

亦當為止。句訓為止。故字子止也。

宋樂溷字子明。定九年左傳

溷當讀為焜。溷與焜同聲。集韻。焜。溷。並音戶哀切。故偕溷為焜。

昭三年左傳。焜燿寡人之望。服虔注曰。焜。明也。見正義

故名焜字明。

附 韓公孫赫字顯。戰國時人。秦策曰。秦惠王从公孫衍。飲窮張儀。李錡謂公孫衍曰。不如召

述二十二

甘茂於魏。召公孫顯於韓。起樛里子於國。公孫郝甘茂儀之。讎也。楚策曰。今惠王从。武王立儀走。公孫郝甘茂貴。甘茂善魏。公孫郝善韓。趙策曰。甘茂為秦約魏以攻韓。安陽又北之。趙冷向謂強國曰。甘茂令趙拘甘茂出。以與齊韓秦市。且以置公孫赫樛里疾。韓策曰。安陽之役。楊達謂公孫顯曰。請為公以五萬人攻而周得之。是以九鼎抑甘茂也。不然。秦攻而周。天下惡之。其救韓必疾。則茂事敗矣。又曰。韓公仲謂向壽曰。今王之愛習公也。不如公孫郝。其知能公也。不如甘茂。今二人者皆不得親於事矣。而公獨與王主斷於國者。彼有以失之也。公孫郝黨於韓。而甘茂黨於魏。故王不信也。案赫郝古字通。公孫赫即公孫顯也。公孫顯韓人。故黨韓。甘茂魏人。故黨魏也。公孫赫史記甘茂傳作公孫爽。說文爽。燕召公名。讀若郝。公孫爽蓋亦以爽為名。顯其字也。爾雅赫赫躍躍迅也。釋文曰。赫。舍人本作爽。是赫與爽通。

大雅生民篇。以赫厥靈。毛傳曰。赫。顯也。小雅節南山

篇。赫赫師尹。傳曰。赫赫顯盛貌。赫或作爽。見說文。爽

盛也。

附楚莫敖章字子華楚策

廣雅章章采也。玉篇章采也。引書曰。五服五章哉華。

亦采。顧命傳曰。華采色。楚辭九歌。華采衣兮若英。

邾子顏字夷父莊五年左傳正義引世族譜

顏高不平也。夷平也。顏岸古字通。史記晉世家。屠岸賈。漢書古今入表。

作屠顏賈爾雅曰。重厓岸。又曰。望厓洒而高岸。高則險峻。

故字夷父。以相反為義也。漢書儒林傳。戴崇字子平。

與此同意。

宋樂傾字夷父。檀弓下正義引世本作夷甫。傾文十八年左傳正義作夷父。須蓋頃之誤。頃

述二十三

七

與傾通。

說文傾。仄也。從人從頃。頃。頭不正也。廣雅。傾。衰也。正

則平。衰則不平矣。繫辭傳曰。危者使平。易者使傾。傾

與平正相反也。故名傾字夷父。夷平也。

宋公孫周字子高京二十六年年左傳注

周。讀為輶。輶。低也。士喪禮記。軒輶中。鄭注曰。輶。輦也。

輦。俗本譌作輦。今改正。輦。考工記。輶人。大車之輶。輶。鄭注曰。輶。輶也。

也。擊輿。說文。輶。抵也。抵。古低字。史記天官書。其前抵者。漢書天文志。抵作

低。廣雅曰。輶。輶。低也。輶。訓為低。故字子高。

齊公子祈字子高。呂氏春秋。慎行篇注曰。齊惠公子高祈。元和姓纂曰。齊惠公生子高。祁。祁。

與祈通子高祁  
先字而後名也。

祈。讀為圻。祈之為圻猶斬之為圻也。荀子儒效篇。跨天下而無勦。即無圻也。說見荀子雜志。

說文曰。圻。地圻。一曰岸也。廣韻。圻。渠希切。曲岸也。又魚斤切。垠。或

從艮。本本誤以垠為正文。圻為重文。茲從眾經音義卷七所引及廣韻改正。爾雅曰。望

厓。洒而高岸。圻。訓為岸。故字子高也。

楚鬪勃字子高。僖二十八年左傳。

勃。奮起而上也。勃。淳古字通。爾雅。淺作也。郭璞注曰。

淳然。與作兒。莊十一年左傳。其與也。淳。勇。勃為興起

故字子高。干寶注。需象傳。雲上于天曰。上。升也。見釋文。

後漢書。儒林傳。張興。字君上。漢繁陽令。碑陰。樊興。字

述二十三

子高。與此同意。

鄭駟帶字子高。襄三十年左傳。

帶。讀為憇。說文。憇。持計高也。爾雅。釋宮。釋文曰。帶。高。高。尙也。帶與憇通。

亦上也。說文。上。高也。

公西與如字子高。史記仲尼弟子傳。

臧氏而成曰。今本史記作興如者。譌字也。唐六典。載

孔子弟子。本之史記。作與如通典。禮十及宋本家語

弟子篇。亦作與如。案唐書禮樂志。亦作與如。家語無如字。說文。兒。共舉

也。從白。從儿。與黨與也。從兒。從与。是與字。本有舉上

之義。引之謂舉字古通。作與。地官師氏。王舉則從鄭

注曰。故書舉爲與。禮運篇。選賢與能。卽大戴禮王言篇之選賢舉能也。上與尚同。廣雅曰。尚舉也。韓子外儲說篇。舉燭者。尚明也。是舉與尚同意。故舉如字。上漢孔宙碑陰。張上。字仲舉。亦此意也。如。語詞也。長狄僑如。焚如。榮如。簡如。魯季孫意如。越皋如。皆以如爲語詞。

晉伯宗字尊

成五年左傳伯宗。穀梁傳作伯尊。

大雅冕鷩傳曰。宗。尊也。大宗伯疏引古尚書說曰。六宗。天地神之尊者。

附 魏田無擇字子方

莊子田子方篇案。田子方戰國時人。

述二十二

九

擇與敦通。

大雅思齊篇。古之人無敦。鄭箋作無擇。

爾雅射。厭也。釋文射

字又作敦。周南葛覃篇。服之無敦。毛傳曰。敦。厭也。說文曰。敦。厭也。一曰終也。字或作繹。廣雅曰。繹。窮也。然則無敦者。無有厭棄。無有終窮也。無敦則有常矣。故字子方。方。常也。檀弓。左右就養無方。論語里仁篇。遊必有方。鄭注竝曰。方。猶常也。

附 施之常字子恆

史記仲尼弟子傳。

宋公孫考父字正

昭七年左傳正考父。元字而後。名也。考父在戴武宣在春秋前。

周書謚法篇曰。考。成也。隱五年春秋考仲子之宮。穀梁傳曰。考者。成之也。成之爲夫人也。正。亦成也。祭法

黃帝正名百物魯語作成命百物正名卽成命也正

與定通堯典以閏月定四時史記五帝紀作正四時齊語正卒伍漢書刑法志作定卒伍繫

辭傳天尊地卑乾坤定矣虞注曰定謂成列也呂氏

春秋仲冬紀以待陰陽之所定高注曰定猶成也淮

南天文篇秋分稊定高注曰定者成也

魯密不齊字子賤史記仲尼弟子傳

不語詞不齊齊也賤與翦通爾雅曰翦齊也說文作

前曰齊斲也字亦作踐爾風伐柯篇籩豆有踐毛傳

曰踐行刈兒蓋行刈整齊之兒也翦齊也之翦通作

賤猶召南甘棠篇之勿剪勿伐韓詩翦作刻見釋文士

述二十二

喪禮下篇之緇翦今文翦作淺王藻篇之弗身踐也

踐當爲翦矣並見鄭注

楚任不齊字選仲尼弟子傳

不語詞不齊齊也齊風猗嗟篇舞則選兮毛傳曰選

齊也史記平準書吏道益雜不選謂雜出不齊也字

亦作撰賈子等齊篇曰撰然齊等

魯邦異字子斂仲尼弟子傳索隱引文翁圖邦異作國選

說文曰異具也又曰俱具也字亦作選齊語曰牛馬

選具是也廣雅具備也斂亦具也荀子非十二子篇斂然

聖王之文章具焉佛然平世之法起焉楊倞注曰斂

然聚集之貌。佛讀爲勃，勃然興起。貌案佛然爲興起。則斂然爲具備矣。斂之言僉也。檢也。方言曰：僉皆也。爾雅曰：檢同也。是具備之義也。異與斂皆有具備之義，故名異字子斂。或曰：異之言選，選擇取也。斂收取也。義相因也。

楚史老字子盪

楚語

盪讀爲眉。方言曰：眉老也。東齊曰眉。爾雅曰：老壽也。

眉訓爲老。老訓爲壽。則眉與壽同意。故古之頌禱者

皆曰眉壽。凡經言以介眉壽。幽風遐不眉壽。小雅南

綏我眉壽。周頌眉壽無有害。眉壽休魯。魯頌眉壽萬

述二十二

三

年。土冠眉亦壽也。眉壽猶言耆壽。文侯老壽。昭二十

壽者。召耳耆也。老也。考也。眉也。皆壽也。而詩傳與箋

皆以眉壽爲秀眉。方言案眉必秀而後爲壽徵。若但

言眉則少壯者皆有之。無以見其爲壽矣。爾雅曰：黃

髮兒齒齒背壽也。豈得徑省其文。而曰髮壽齒壽背

壽乎。說眉壽者當據方言爲義。不得如毛鄭所云也。

眉字作盪者。古音微與文通。盪有門音。故轉爲眉。其

字卽盪字也。盪從巛省。從酉。分聲。盪從巛省。從酉。文

聲。字當爲盪。作盪者隸之變也。盪與同字。故亦同聲。

大雅鳧鷖篇。鳧鷖在盪。爾雅。鷖。赤苗。皆有門音。

俗以爲甦勉之勉。大雅棫樸篇。勉勉我王。荀子富國篇。引作疊疊。是也。又俗以爲甦壽之甦。史老字子疊。是也。古鐘鼎文。甦壽字。亦多作疊。伯頌父鼎之甦。史頌鼎之甦。誰公緘鼎之甦。叔液鼎之甦。晉姜鼎之甦。皆俗甦字爲甦字。其莽史鼎作甦。中又字。乃古文文字。晉姜鼎文。字亦作夂。蓋從疊省文聲也。其與疊字會意諧聲俱合。是疊甦爲一字。而與甦通用也。唐宋以來。言六書者。不達古音。故諧聲之例。不能通曉。閒有一二古字。說文缺載者。則茫乎不知所從。但指爲俗字而已。說文偶缺疊字。而張參遂謂不合六書。徐鉉又以媿字當之。拘牽無識。通人所不取也。

述二十二

三

魯冉孺字子魯

仲尼弟子傳

孺與濡通。孟子公孫丑篇。三宿而後出書。是何濡滯也。趙岐注曰。濡滯猶稽也。旣去。畱於晝三日。怪其猶久。濡之言需也。需象傳曰。需須也。爾雅。須待也。須與須同。雜卦

傳曰。需不進也。是濡爲遲鈍也。魯亦遲鈍也。說文。魯

鈍詞也。論語先進篇。參也。魯孔注曰。魯鈍也。曾子性

遲鈍。孺又愚也。方言。孺輸愚也。孺與濡通。魯鈍亦愚

也。大顏注漢書周勃傳曰。俗謂愚爲鈍。椎。見史記周勃世家索隱。

隱

陳公良孺字子正竹尼弟

孺讀爲需正當爲止字之誤也雜卦傳曰需不進也

說文曰需頤也遇雨不進止頤也是需有止義

晉胥童成十七年經字之昧晉語

童蒙疊韻其義相近童蒙之言童矇也說文矇童矇

也一曰不明也蒙彖辭匪我求童蒙童蒙求我釋文

引廣雅曰童癡也鄭風褰裳篇狂童之狂也且毛傳

曰狂行童昏所化也晉語僮昏不可使謀僮童古字

通賈子道術篇反慧爲童皆昧之義也說文昧闇也

晉閻沒字明晉語

述三十二

三

沒與昧古字通史記趙世家昧夙襄二十四年左傳

何沒沒也沒沒猶昧昧釋文沒如字一音妹正與昧

之同音杜注以爲沈滅之言廣雅曰昧昧暗也昧訓爲暗故字明取相反之義

鄭駸蔑字明昭二十八楚唐蔑荀子議兵篇作唐蔑字

明趙策

說文蔑勞目無精也檀弓鄭注曰明目精也名蔑故

字明也蔑莫聲同而義近玉篇莫說文莫火不明也

字通作昧說文目不明也從目未聲玉篇音莫蓋切

說文目部前有昧字目不明也字以午未之未爲聲

玉篇音莫蓋切後有昧字目不正也字以本末之末

爲聲玉篇音莫達切故廣韻去聲弟十四部昧昧眛

目不明也莫貝切弟十八部昧目暗也莫佩切入聲

表十三部。昧，目不正也。莫撥切。正與玉篇同。蓋昧之言昧也。說文：昧，闇也。玉篇：昧，莫潰切。正與目暗之昧同音也。昧之言首也。說文：首，目不正也。玉篇：首，亡達切。正與目不正之昧同音也。而今本目不明之昧，右畔誤寫木末之末而音莫撥切。目不正之昧，右畔誤寫午未之未而音莫佩切。正字又誤作明。所當互易者也。玉篇：目不正之正，雖與今本說文同。據作明而莫達切之音，尚不誤。莫撥與莫撥同。可據廣韻。昧目不正也。莫撥切。以正之矣。段氏說文注不能釐正。而以莫佩切之昧為說文所無，非也。

秦百里視字孟明倍三十三年左傳

洪範曰：視曰明。

晉解揚字子虎史記鄭世家說苑奉使篇

虎讀為盱。古音虎與盱同。昭三十一年公羊傳：人未

足而盱有餘。說文引作虜有餘。見繫傳案公羊釋文盱許于反又許孤反

述二十二

許孤反。正與虜同音。玉篇：虜，火乎切。火乎與許孤同。是其例也。方言：盱，揚，雙也。

盱，瞳子。今本子上衍之燕代朝鮮洌水之間曰盱。或謂之揚。郭注曰：盱，舉睨也。揚，詩曰：美目揚兮是也。

齊高齧字齧。昭二十六年左傳之高齧。秦王齧字齧。史記魯世家之高齧。

秦本紀之王齧。即始皇本紀之王齧。

說文：齧，齧也。齧，魚綺側齧也。側字據眾經音義卷十三引許慎說增。史

記田儋傳：秦復得志於天下，則齧齧用事者墳墓矣。

集解引如淳曰：漢書齧齧猶齧齧。索隱曰：齧，側齒齧也。

魯顏噲字子馨。仲尼弟子傳

也。

說文噲咽也。一曰噲噲也。噲。小啞也。啞。小飲也。則噲者。飲食下咽有聲也。或曰噲當讀爲贍。廣韻。贍。切。易使喘息聲。

樂教字子聲。仲尼弟子傳

氣逆之聲曰欬。說文欬。平氣。同逆也。

晉韓不信字伯音。昭三十二年左傳

音當爲言字之誤也。困象辭曰。有言不信。墨子經篇曰。信言合於意也。

魯季寤字子言。定八年左傳

釋元應眾經音義。卷二引倉頡篇曰。覺而有言曰寤。邴

述二十二

風終風篇曰。寤言不寐。或曰寤讀爲語。語亦言也。

鄭公子語字子人。桓十四年左氏經傳

大雅公劉篇。子時言言。子時語語。毛傳曰。直言曰言。論難曰語。正義曰。直言曰言。謂一人自言。答難曰語。

謂二人相對。雜記。言而不語。對而不問。鄭注曰。言。言。已事也。爲人說爲語。孟子梁惠王篇曰。孟子見梁襄

王。出語人。

魯宰子字子我。仲尼弟子傳

曹叔孫申字子我。元和姓纂。曹叔孫成子生申。爲子我氏。

申。讀爲身。爾雅。身我也。郭注曰。今人亦自呼爲身。

魯公子務人字爲昭二十九

務亦爲也。繫辭傳唯幾也。故能成天下之務。虞翻注

曰。務事也。見李鼎祚周易集解韓子喻老篇曰。事爲也。務人猶

言爲人。春秋時宋有向爲人。見成十五是也。務人檀

弓作禺人。正義曰。禹務聲相近。聲轉字異也。或曰。說

文。禹母猴屬爲母猴也。故禺人字爲。案禺若爲母猴

屬。則與人字意義不倫。豈有上言獸而下言人者乎。

或說非是。文十八年左傳有公冉務人。與此同名。則

務字不誤。

齊公子舉字季勞管子小匡篇季勞處魯文曰。公子舉游於魯舉。卽季勞也。

述二十二

管子四時篇曰。求有功發勞力者而舉之。

衛世叔齊字疾哀十一

爾雅。齊疾也。荀子君道篇。齊給便捷而不惑。史記五

帝紀。幼而徇齊。集解曰。徇疾。齊速也。言聖德幼而疾

速也。素隱曰。尚書大傳曰。多聞而齊給。鄭注曰。齊疾

也。

齊樊須字子遲仲尼弟

須頤古字通。爾雅。頤待也。歸妹九四。遲歸有時。陸績

注曰。遲待也。見釋文。

晉荀盈字伯夙襄二十七

盈讀爲贏

宣四年左傳伯贏呂氏春秋知分篇注作伯盈案蔣賈字伯贏卽賈有餘利之贏是

贏與

盈通夙讀爲肅大戴禮保傳篇夙夙端冕白虎通引作齊肅端冕是肅與夙通

緩也肅嚴急也月令孟秋天地始肅不可以贏鄭注

云肅嚴急之言也贏猶解也

解古賣切

爾雅肅疾也速也

大雅雲漢篇昭假無贏箋訓贏爲緩是贏與肅正相

反故名贏字肅猶狐偃字犯闔沒字明以相反爲義

也

齊慶嗣字子息

襄二十八年左傳

嗣與息皆謂子也嗣繼也

爾雅

故子繼父者謂之嗣特

牲饋會禮嗣舉奠鄭注曰嗣主人將爲後者是也息

述二十二

毛

生也

漢書高紀顏注

故所生之子謂之息趙策曰老臣賤息

舒祺最少不肖是也管子輕重丁篇願以爲吾貧萌

決其子息之數使無券契之責稱貸之利名子息亦

取滋生之意今俗貸錢謂其本爲母謂其利爲子又

謂之利息

宋華家字世子

成十五年左傳正義引世本世子家案世子當作子世子世字也家名也

魯頌桓篇正義曰家者承世之辭

楚仲歸字子家

文五年左傳

鄭公子歸生字子家

宣四年經傳

魯

公孫歸父字子家

宣十四年傳

齊析歸父字子家

襄二十八年傳

蔡

公孫歸生字子家

昭元年經傳

魯孔求字子家 史記孔子世家 漢書孔光傳

玉篇求索也與求同說文索入家按也

鄭單字子家 仲尼弟子傳

單讀為塵 古聲單與塵相近 說文塵一家之尻也

齊慶封字子家 襄二十八年左傳

封讀為邦 唐誥正義曰古字邦封同商頌元鳥篇邦語季氏篇且在邦域之中矣釋文邦本作封而謀動干戈於邦內釋文邦鄭本作封 邦與家相對為文

鄭國字子徒 仲尼弟子傳

徒讀為都 徒都古字通史記高祖功臣侯年表留侯以韓申徒下韓國漢書高惠高后文功臣

述三十二

表作以韓申都下韓潛夫論志氏姓篇信都者司徒也俗音不正曰信都或曰司徒 莊二十八

年左傳凡邑有宗廟先君之主曰都周官小司徒四

縣為都司馬法曰王國五百里為都 載師鄭注

衛孫襄字伯國 襄二十六羊左傳

襄讀為壤 聲近假借也壤從土襄聲 檀弓有原壤亦以壤

為名壤土地也故字伯國昭元年左傳曰與我同壤

而世為仇讎孟子滕文公篇夫滕壤地褊小

楚公孫甯字子國 哀十八年左傳

哀十六年左傳曰沈諸梁兼二事國甯

鄭公子發字子國 襄九年左傳

發。讀爲伐。發伐聲近而通。周頌噫嘻篇鄭箋曰發伐也。考工記匠人鄭注曰伐之言發也。成十六年左傳楚公子拔晉語作漢書董仲舒傳柳下惠

王子發鉤茨音伐與發通。曰吾聞伐國不問仁人。

楚屈禦寇字子邊德二十五

邊境也。哀十一年左傳曰齊國夏高無丕帥師伐我

毋求曰。二子守。二子從。公禦諸竟。是其義也。

秦壤駟赤字子徒仲尼弟子傳廣韻壤字注以壤駟爲複姓

徒。讀爲豬。說文曰豬赤土也。古聲豬徒相近。爾雅杜

赤棠杜與徒聲亦相近。故赤謂之徒。又謂之杜。

晉羊舌赤字伯華襄三年左傳魯公西赤字子華仲尼弟子傳

述二五

无

玉藻。雜帶。君朱綵。大夫元華。鄭注曰華黃色也。馬有

華駟之名。華俗作驪非。穆天子傳正作華。郭注曰色如華。駟爲赤色。說文駟

髦尾也。則華其黃色與。華駟蓋卽黃駟也。月令曰中央

土天子駕黃駟。

附 周白丹字圭孟子告子篇注曰丹名圭字也。史記貨殖傳曰周人。

圭。讀爲鞋。聲近假借也。說文鞋胡卦戶圭二切鮮明黃色也。

從黃圭聲。鞋黃華從艸鞋聲。讀若墮壞謂讀與墮同。是黃

謂之鞋也。名丹字鞋。與名赤字華同義。華亦黃也。

楚公子黑眩字子皙襄二十七年左傳鄭公孫墨字子皙九

左 傳狄黑字皙仲尼弟衛公子黑肯字析昭二十年左傳杜注析朱鉏黑

背孫元和姓纂曰衛穆公生公析黑聲其  
孫成子朱鉅以王父字爲氏案析與皙通。

說文皙人色白也皙與黑相對爲文

曾箴字皙奚容箴字子皙並仲尼弟子傳曾箴今本作

箴字惟集韻有此字音多忝切蓋據誤本史記也  
案說文曰古人名職字皙職與箴同音則當作箴

箴讀爲職玉篇職之林切又音緘說文職雖皙而黑也古人名

職字皙曾箴之箴論語先進篇作點說文點小黑也

職與點古同聲而通用。

伯虔字子析仲尼弟子傳

虔當爲黔聲相似而誤也史記衛康叔世家出公季

父黔索隱曰系本名虔誤與此同析皙古字通襄二

述二十三

十七年左傳皋門之皙實與我役邑中之黔實慰我

心墨子貴義篇黔者黑也或曰虔析皆敬也商頌殷

武傳曰虔敬也說文慙先歷切敬也二徐本慙誤作慙

哲之重文已見口部而訓爲知不得又見心部而訓  
爲敬也段氏茂堂亦沿其誤今依玉篇廣韻改正

慙與析通。

晉蔡黯字墨哀二十一年左傳

墨黑也黯亦黑也黯暗也墨亦暗也史記孔子世家

黯然而黑是黯亦黑也管子四稱篇墨墨若夜是墨

亦暗也。

魯孔白字子上史記孔子世家

蕭山王氏南陔曰：上尚古字通。禮記檀弓：般人尚白引之案。孔氏殷之冑也，故名白字上。

晉士句字伯瑕。襄三十一  
年左傳。楚陽句字子瑕。昭十七  
年左傳。

瑕假古字通。莊十四年左傳傳瑕，單行本史記鄭世家索隱作甫假。檀弓：公肩假。漢書古今人表假。乞人之物曰句，俗人之物曰假。內則曰：不通

乞假，是乞與假事類相近，故名乞者字假，名句者亦字假。襄三十一年左傳：士文伯曰：寡君使句請命。釋

文云：今傳本皆作句字，或作正字。案士文伯字伯瑕。春秋時人名字皆相配。楚令尹陽句字子瑕，與士文

伯名字正同。又鄭有駟乞字子瑕，句與乞義同，則作

述二十二

句者是。

三

鄭駟乞字子瑕。昭十九  
年左傳

說見上。

魯冉求字子有。仲尼弟  
子傳

耶風谷風篇：何有，何也。龜勉求之，箋曰：有求多也。求

有。

衛端木賜字子貢。仲尼弟  
子傳

爾雅：貢，賜也。字亦作贛。說文：贛，賜也。淮南精神篇：今

贛人敖倉，子人河水要略篇：朝用三千鍾贛。高注

竝曰：贛，賜也。

孟舍字施。孟子公孫丑篇孟施舍趙注曰孟姓舍名也。施發音也案施其字也。先言施後言舍者襄十年左傳正義曰古人名字並言者皆先字而後名。故邠人紇字叔梁史記孔子世家稱為叔梁紇。

舍之為言子也。舍古音暑與子聲相近。施之為言賜也。賜亦子

也。故名舍字施。襄九年左傳魏絳請施舍輸積賑以

貸。舍與施同義杜注云舍勞役非也。晉語施舍分寡。韋注云舍皆謂舍禁非也。

以德惠賜予之也。說詳經義述聞左傳旅有施舍下。或曰施者弛之

俗字。弛舍謂免征役也。地官小司徒凡征役之施舍

鄭注曰施讀為弛。鄉師辨其可任者與其施舍者。注

曰施舍謂應復免不給繇役。

齊弦施字多。哀四年左傳

述二十二 三

取厚施之義也。或曰施當讀為馳。說文馳重次弟物

也。玉篇馳余改切。多重也。從重夕。重夕為多。重日為曷。馳也

多也。皆重也。廣雅馳。益也。益亦多也。高誘注齊策曰

益多也。

楚為賈字伯贏。僖二十七年宣四年左傳

贏當讀為贏。說文贏賈有餘利也。昭元年左傳賈爾

欲贏而惡賈乎。

魯公子益師字眾父。隱元年左傳

易師彖傳師眾也。益之則彌眾矣。桓十七年左傳楚

屈瑕曰益請濟師於王。鬬廉對曰師克在和不在眾。

杜注曰濟蓋也。蓋師者欲師之服也。

鄭公子班字子如成十三

廣雅如均也。孟子公孫丑篇伯夷伊尹於孔子若是

班乎。趙注曰班齊等之貌。是班亦均也。

魯公輸般字若檀弓季康子之母外公輸若方小斂般

字。今從劉說。

公輸般。即孟子離婁篇注所謂魯班也。漢書楊雄傳

般僇弃其制。顏注曰般讀與班同。公輸班字若

與公子班字子如同義若猶如也。

鄭公孫舍之字子展襄八年

述二十三

舍與舒古字通。小雅何人斯五章舍車旴為韻聘禮

息。即舒息。史記律書舍者舒氣也。方言舒展也。

魯漆雕哆字子斂仲尼弟子傳

說文哆張口也。小雅巷伯篇哆兮侈兮。毛傳曰哆大

兒哆之言侈也。斂之言儉也。賈子道術篇廣疑當作

自斂謂之儉。反儉為侈。

魯漆彫啓字子開漢書藝文志漆彫子十二篇孔子弟

尼弟子列傳漆彫開字子開。蓋名啓字子開。史記避景

帝諱也。案古今人表正作漆彫啓。家語不知漆彫開之

說文。居開也。從戶從口。字通作啓。士皆禮贊啓會既

夕禮請啓期鄭注竝云今文啓爲開

宋公子肸字向父

成十五年左傳正義引世本

晉羊舌肸字叔向

一年十六年左傳注一字叔譽檀弓逸周書大子晉篇

向讀爲嚮。肸，嚮者。布，寫之。鬼也。說文：肸，肸嚮布也。嚮

知聲蟲也。蝻，司馬相如嚮從向。漢書司馬相如傳：眾

香發越。肸嚮布，寫顏注曰：肸嚮，盛作也。揚雄傳：薊咄

肸以搵梘兮。注曰：言風之動樹聲響振起。又注禮樂志曰：肸振

也。揚雄傳又曰：肸嚮豐融。左思蜀都賦：景福肸嚮而

興作。則凡動而四布者皆謂之肸嚮矣。肸之言肩也。

肸也。說文曰：肩，動作切切。又曰：肸，許說振也。肸從肸

述二十二

聲故有振起之義也。羊舌肸，又字叔譽者，譽之言旗。

小雅都人士傳曰：旗，揚也。亦振起之義也。錢氏曉徵

以譽爲響之譌，失之。

楚鬪般字子揚

宣四年左傳漢書敘傳曰：班氏之先與楚同姓。令尹子文之後也。子文初生，棄

於菅中。而虎乳之。楚人謂虎班，其子以爲號。師古曰：子

文之子鬪班，亦爲楚令尹。胡三省曰：左傳莊三十年，甲

公鬪班，被令尹子元而鬪殺於菟，爲令尹恐班非子文

之子，案子文之子爲令尹者鬪般也。般與班雖同音，而

般字子揚，則非謂虎也。孟堅之說始不可信。

般與播古字通

古音元與戈相出入。故史記賈生傳：大鈞槩物。漢書槩作播。般卽

播之假借也。春官大師皆播之，以八音鄭注曰：播猶

揚也。昭四年左傳播於諸侯，杜注亦曰：播揚也。三十

年傳將焉用自播揚焉。注曰：播揚猶勞動也。呂氏春秋必已篇舟中之人盡揚播入於河。高注曰：揚動也。播散也。案播亦揚也。古人自有複語耳。揚謂之播。因而揚米去康謂之歛。說文歛揚米去康也。小雅大東篇曰：維南有箕，不可以歛揚。

楚遠罷字子蕩

襄二十七年三十年左傳

罷讀爲播。罷播古音相近。

罷古音婆說見唐韻正。

故偕罷爲播

也。公羊罷作頗，頗之爲播猶波之爲播也。

波與播通見左傳波

及音

國下。襄二十五年左傳：成公播蕩。杜注云：播蕩，流移

失所。昭二十六年傳：茲不穀震盪播越。鼠在荆蠻，亦

述二十二

三

謂流移也。盪與蕩同。播或作波。莊子外物篇：鮒魚對

莊周曰：我東海之波臣也。司馬彪云：謂波蕩之臣。波

蕩，卽播蕩也。東海之播臣，猶齊策云：大魚蕩而失水

耳。流移謂之播蕩，搖動亦謂之播蕩。家大人曰：司馬

相如上林賦：山陵爲之震動，川谷爲之蕩波。蕩波與

震動對文。張衡西京賦：河渭爲之波盪，吳嶽爲之咆

堵。波盪與咆堵對文。蕩波，卽波蕩。波蕩猶播蕩耳。謹

案李善注西京賦曰：波盪，搖動也。後漢書公孫述傳：

方今四海波蕩，亦謂四海搖動也。論語微子篇：孔注

云：播播也。僖三年左傳：杜注云：蕩播也。

附

周呂尚字牙周初人見史記齊大公世家索隱

尚之言當也。榿也。尚與當榿。古聲相近。牙之言梧也。伍也。牙與

古聲相近。釋名釋邱曰。當途曰梧邱。梧。忤也。與人相當忤

也。釋宮室曰。梧在梁上兩頭相觸。梧也。長門賦。離樓

梧而相撐。薛瓚注。漢書項籍傳曰。小柱為枝。邪柱為

梧。今屋梧邪柱是也。說文。榿。邪柱也。榿與撐同。魯靈

光殿賦。枝掌杈枒而斜據。枝掌。即屋梧邪柱也。掌亦

與撐同。枝掌猶言枝梧也。邪柱謂之枝掌。又謂之梧。

義取相當忤也。韋昭辨釋名曰。伍。當也。伯道也。使之

導引。當道伯中以驅除也。宋書百官志下。伍之為當猶牙之

述三二

三

為尚也。或曰。尚讀為堂。牙讀為庠。通俗文曰。客堂曰

庠。太平御覽居處部九。

宋公孫督字華父。桓元年左傳。

督。中正也。華。表出也。爾雅。督。正也。莊子。養生主篇。緣

督以爲經。郭象注曰。順中以為常也。考工記。匠人。堂

涂十有二分。鄭注曰。分其督。旁之脩。正義曰。名中央

為督。督者。所以督率兩旁。晉語。衣之偏袷之衣。韋注

曰。督在中。左右異色。故曰偏袷。袷與督通。夏官。形方

氏。掌制邦國之地域而正其封疆。無有華離之地。鄭

注曰。華。讀為瓜。哨之佩。正之。使不瓜。邪離絕。

齊慶臯字繩襄二十八  
年左傳

臯，衰曲也。繩，直也。說文：臯，頭衰。臯，臯態也。又曰：臯，骨

尚。臯，臯也。案：倉頡篇曰：臯，曲也。賦注引玉篇廣韻竝

曰：臯，骨曲也。臯，臯。臯，韻字。皆曲貌也。廣雅：繩，直也。說

卦傳曰：巽為繩。直，澗衣曰。負繩及踝，以應直。淮南天

文篇：子午卯酉為二繩。高注曰：繩，直也。說林篇：出林

者，不得直道。行險者，不得履繩。注曰：繩，亦直也。

楚公子側字子反宣十二年左傳魯孟之側字反哀十一年傳  
杜注論語雍

也篇  
孔注。

洪範曰：無反無側。

述二十二

三

齊華還字周襄二十三年左傳

還，與環通。土禮注古  
文環作還昭十七年左傳：環而塹之及

泉，越語：環會稽三百里者，以為范蠡地。杜韋注：竝云

環，周也。字或作圓。漢書：高五王傳：迺割臨苗東園，悼

惠王家園邑，盡以予苗川。顏注云：園，謂周繞之。或作

旋。說文：旋，周旋旌旗之指麾也。

魯公伯繚字周單行本史記索  
隱仲尼弟子傳

繚，曲也。爾雅：小枝上繚為喬。郭注云：翹繚，上句是也。

周亦曲也。唐風有林之杜篇。生于道周。毛傳云：周，曲

也。是也。繚，繞也。楚詞：九歎，腸紛紜，已繚轉兮。王注云：

繚繞也是也。周亦繞也。吳語周軍筋壘韋注云。周繞也是也。故周垣謂之墮墮之言繚繞也。說文墮力沼切。

周垣也。班固西都賦曰。繚以周牆。

齊公子堅字縶

呂氏春秋慎行篇注。公字縶堅。先字而後名也。

堅與牽通。

定十四年公羊傳。公會齊侯衛侯于堅。左氏堅作牽。

字或作擊。夫九

羊悔以釋文曰。或作擊。漢書楊雄傳。擊象鼻。鮑莊子。子夏作擊。

師古曰。擊。古牽字。

鮑莊子

名牽。

成十七年傳。

正與此同。說文曰。牽。引前也。廣雅曰。牽

引也。又曰。牽。連也。縶與擊通。擊亦引也。連也。說文曰。

擊係也。

係與繫同。

小畜九五有孚擊如。馬融注曰。擊。連也。

見釋文。

玉篇。擊。綴也。引易曰。有孚擊如。孔氏正義曰。擊

述二十二

如者。相牽繫不絕之名也。易林震之師曰。一莖九纏。更用牽擊。字或作絲。說文曰。絲。不絕也。

楚公子結

定十四年春秋。

字子綦

莊子讓王篇。賈子淮南篇。史記楚世家。皆作綦。本字也。定

四年左傳及楚語作期。呂氏春秋高義篇注作旗。借字也。

綦結雙聲。其義相近。夏官弁師。王之皮弁。會五采玉

璫。鄭注云。鄭司農曰。璫。讀如綦。車轂之綦。元謂璫。讀

如薄。借綦之綦。綦結也。皮弁之縫中。每貫結五采玉

十二。以為飾。謂之綦。士喪禮。綦結于附。又組綦繫于

踵。鄭注云。綦。履係也。所以拘止履也。綦。讀如馬絆。綦

之綦。然則弁與屨之綦皆結也。云綦車轂者。方言。車

下鉄犬者謂之綦郭璞音忌疏證云此言維車之索

玉篇鉄持栗切索也古作鉄案今江淮之間以帶束腰

而作結以固之謂之綦以繩束物亦然其音正與忌

同維車之索必約束而作結以固之故謂之綦綦車

轂之綦亦此義也云薄俗綦者薄俗屨名急就章所

謂不俗釋名所謂搏腊也薄俗屨有係以結于跗故

謂之薄俗綦也說文作不俗絆同云馬絆綦者昭二

十年穀梁傳云兩足不能相過齊謂之綦楚謂之蹠

衛謂之輒釋文劉兆云綦連併也蹠聚合不解也輒

本亦作繫劉兆云如見繫絆也連併繫絆同為聚合

不解皆固結之意也

魯公子彊字子臧隱五年左傳正義引世本

臧古藏字彊讀曰區說文區踦區藏匿也昭七年左

傳吾先君文王作僕區之法服虔注云僕隱也區匿

也見釋文荀子大略篇言之信者在乎區蓋之聞楊倞

注云區藏物處蓋所以覆物者是區為藏也哀十三

年公羊春秋盜殺陳夏彊夫左氏穀梁竝作夏彊夫

則二字古通用

越人蒙字子臧史記鄒陽傳索隱

臧亦藏字蒙包藏也鄼風君子偕老毛傳云蒙覆也

越人蒙字子臧史記鄒陽傳索隱

昭十三年左傳杜注云蒙裏也皆包藏之義也

魯南宮括字子容仲尼弟一名韜論語公冶長篇王法釋文作韜云本又作

箱

括者包容之稱也史記秦始皇本紀贊秦孝公有囊括四海之意張晏云括括囊也言其能包含天下

引後漢書蔡邕傳包括無外皆容受之義也韜亦容受之稱廣雅韜容寬也玉篇韜韜藏也寬也劔衣謂之韜

韜說文弓藏謂之韜廣雅皆取包容之義

晉郤芮字子公周語

芮讀為納公讀為容取容納之義也芮納皆從內聲

述二十二

罕

故納通作內經典不可枚舉又通作芮公與容古同聲而通用故容貌之容本作頌從頁公聲容受之容古作容

從宀公聲家大人曰楚詞七諫正法孤而不公謂方正不容也王逸以為背公獨私失之辨見楚詞淮南齊俗篇望君而笑

是公也亦以公為容

邾公子菑字捷元和姓纂有捷姓引風俗通曰邾公子捷菑之後以王父字為氏

捷讀為插士冠禮鄭注建柎反柎於體中釋文扱作捷云初治反本又作插樂記注搯猶捷也

釋文捷本亦作插初治反是捷即插也釋名捷插也接也插於眼眶而相接也亦與捷之為插同

交插刺內也內與入同字或作接漢書蔽通傳將爭接刃

於公之腹謂插刃於其腹中也菑之言偉也插也李

奇注蔽通傳曰。東方人以物插地中爲傳。顏師古曰。

傳音側吏反。周官考工記又作菑音皆同耳。考工記  
輸人察

其菑發不翻。注曰。菑謂輻入轂中者也。鄭司農溝洫  
云。菑讀如雜廁之廁。謂建輻也。釋文菑側吏反。

志隕林竹兮捷石菑。顏注曰。石菑者謂插石立之。菑

亦插耳。音側吏反。俗本吏  
誤作其義與傳同。又注張安世傳

引續漢書輕車菑矛戟幢麾而釋之曰。菑插也。

邾子克字儀父。隱元年  
左傳周王子克字子儀。桓十八  
年傳楚鬬

克字子儀。僖二十  
五年傳宋桓司馬之臣克字子儀。哀十七年  
傳子儀克

先字而  
後名也

克與刻通。說文克象屋下刻木之形。故以克爲刻也。

述三十二

聖

儀讀如娑。儀之言疏刻也。字或作犧。或作獻。魯頌閟

宮篇犧尊將將。釋文犧素河反。淮南俶真篇百圍之

木。斬而爲犧尊。鑊之以劑。厠雜之以青黃。高誘注曰。

犧尊。疏鑊之尊。明堂位。周獻豆。鄭注曰。獻疏刻之。正

義曰。獻音娑。娑是希疏之義。故爲疏刻之犧。獻皆爲

疏刻。而與儀通。此猶周語犧人薦醴。賈逵本作儀人。

見北堂書鈔  
禮儀部十二大誥民獻有十夫。尚書大傳作民儀也。

見困學紀  
問卷二儀爲疏刻。故名刻字子儀。

楚遠呂臣字叔伯。僖二十三  
年左傳注

呂與旅伯與。百古字竝通。宣十八年左氏經楚子旅  
卒穀梁旅作呂。僖二十三

午穀梁傳百里子釋文百或作伯伯莊二十二年左

傳庭實旅百奉之以玉帛天地之美具焉故曰利用

賓于王杜注曰諸侯朝王陳贄幣之象旅陳也百言

物備僖二十二年傳楚子入響于鄭九獻庭實旅百

注曰庭中所陳品數百也是其義

罕父黑字子索仲尼弟子傳

音黑讀為纆說文纆索也從糸黑聲字或作纆坎上六

係用徽纆劉表注曰三股曰徽兩股曰纆皆索名釋文

附齊王驩字子敖孟子離婁篇案驩戰國時人

驩讀為謹敖讀為蹏說文謹謹也荀子彊國篇百姓

述二十二

望

謹敖楊注曰謹喧譁也敖喧噪也地官司獻掌憲市

之禁令禁其鬪蹏者釋文蹏五羔反鄭注曰蹏謹也說文蹏

即四眾口也墨子號令篇謹囂賊眾其罪殺聲也從

晉狐偃字子犯僖二十三年左傳注晉語注

偃當讀為隱古字偃與隱通齊語隱五刃管子小匡

入表徐隱王顏注曰即偃王也檀弓事親有隱而無犯事君有犯而

無隱事帥無犯無隱鄭注曰隱謂不稱揚其過失也

犯犯顏而諫名隱字犯以相反為義也

陳灝孫師字子張仲尼弟子傳

張讀為長知文泉陶謨州十有二師鄭注曰師長也

見釋文。故名師字長作張者假借字耳。墨子所染篇長

柳朔。呂氏春秋當染篇作張柳朔。莊子山木篇攬其

蔓枝而王長共閒釋文。長本又作張。是長與張通。

公皙哀字季次。仲尼弟  
子傳

王氏南陔曰。哀當為襄。左氏桓二年傳皆有等襄。杜

預注。衰殺也。襄二十五年傳。自是以衰注。衰。差降。昭

三十二年傳。遲速衰序。注。衰。差也。序。次也。管子地員

篇。凡彼草物。有十二衰。淮南子說山篇。上有三衰。下

有九殺。皆謂等差也。有等差。即有次第。故古人名衰

字季次矣。淮南汜論篇。季襄陳仲子立節抗行。高注

述二十二 星

季襄。魯人。孔子弟子。季襄。即季次。襄與次名字不相

應。襄亦衰之譌。家語作公皙克。克亦衰之  
譌。衰誤為哀。哀又誤為克。

晉趙衰字子餘。僖二十四  
年左傳

說文。瘵。滅也。瘵與衰通。物減少。則但存其餘矣。玉篇

廣韻。竝云。餘。殘也。是減少之義也。或曰。餘者。饒也。秦

及淮南精  
神篇高注多也。呂氏春秋  
辯士篇注。名衰字餘。以多少相反。為

義。

魯閔損字子騫。仲尼弟  
子傳

小雅。天保篇。不騫不朶。毛傳云。騫。虧也。虧亦損也。高

淮南精神篇  
云。虧損也。漢書鼂錯傳。內無邪辟之行。外無騫污

之名顏師古注云騫損也。

晉叔仲會字子期仲尼弟  
子傳

說文期會也。桓十年公羊傳曰會者何期辭也。成十六年傳曰會不當期。魏策曰吾與虞人期獵。雖樂豈可不一會期哉。

魯顏何字丹仲尼弟  
子傳

古聃字或省作丹。秦丹字開是也。說見  
下卷聃與儋通。史

記老聃傳或曰儋即老子是也。說文何儋也。儋何也。故名何字儋。

鄭公子魚臣字僕叔宣十二  
年左傳

述三十二

器

魚讀為御。古磬魚與御通。夫官序官釋文。獻音魚。木  
又作魚。又音御。史記宋世

家。此言乃公子魚教。說文御使馬也。小雅出車傳

曰僕夫御夫也。魯武公子有伯御。周語魯大夫有御孫

莊二十四  
年左傳皆以御為名。

燕周豎字子家仲尼弟  
子傳

豎內豎也。內豎給事於內。故字子家。家猶內也。爾雅

牖戶之間謂之扈。其內謂之家。文王世子。問內豎之

御者。鄭注云。內豎。小臣之屬。僖二十八年左傳注。豎

掌通內外者。  
楚屈巫字子靈襄二十六  
年左傳

楚語云。古者民神不雜。民之精爽不慊貳者。而又能齊肅衷正。其知能上下比義。其聖能光遠宣朗。其明能光照之。其聰能聽徹之。如是則明神降之。在男曰覲。在女曰巫。故巫字子靈也。說文靈或從巫。楚辭九歌靈連蜷兮既留。王注云。靈巫也。楚人名巫為靈子。易林小畜之漸。學靈三年。仁聖且神。明見善祥。吉喜福慶。亦謂學巫也。

齊公子鑄字子工

昭八年左傳注十年傳子工作子公

說文鑄銷金也。字子工者。謂攻金之工也。或曰鑄當讀為祝。古字祝與鑄通。樂記封帝堯之後於祝。鄭注曰。祝或為鑄。淮南僂真篇高

述三十一

望

注曰。鑄讀如陞祝之祝。

小雅楚茨篇。工祝致告。毛傳曰。善其事。

日工。少牢饋食禮曰。皇尸命工祝。鄭注曰。工。官也。

鄭駟歛字子然

定九年左傳

歛

視專祝充二切

讀為熒

他九切

方言熒赫也。郭注曰。火熾盛

之貌。說文。然。燒也。或曰歛。讀為頤。莊十一年左傳。歛孫生。古。今人表歛

作頤

然。讀為然。

式善如善二切

皆敬慎之義也。說文。頤。頭頤。頤

謹兒。頤。頤之言惴惴也。小雅小宛篇。惴惴小心。與溫

溫戰戰為韻。莊子齊物論篇。小恐惴惴。與綬綬為韻。

則惴字古讀為頤。故其義同也。玉篇引說文曰。然。意

麗也。一曰。意急而懼也。六曰。難也。

今本說文脫下二句。案。一曰

意急而懼者訓儻為不難不竦之難也爾雅難女板切與相近懼也是也一日難者訓然為敬也說文難敬也

此云儻難也其義一也爾雅煥敬也煥與難同煥而善切

小雅楚茨曰我孔熯矣是也儻之言難也

楚王子鉤字發成十六年左傳囚楚公子茂正義曰晉語謂之王子發鉤蓋一名一字也案茂發古同聲茂即發之假借發字也鉤名也古人名字並稱者皆先字而後名按謂之王子發鉤

鉤讀為鼓爾雅釋詁釋文鼓古豆反一音古侯反古侯反則音鉤矣顏師古注漢書馮唐傳曰鼓音溝溝與鉤同音說文鼓張弩也發狀發也如淳注漢書馮

唐傳曰鼓騎張弓之騎也見史記馮唐傳索隱小雅吉日曰既

張我弓既挾我矢發彼小豝此犬兕

附 趙公孫龍字子秉列子仲尼篇釋文

龍讀為隴力公切廣雅隴穉也說文穉穉刈也秉禾束

也小雅大田篇彼有不穫穉此有不斂穉彼有遺秉

此有滯穗毛傳曰秉把也

楚為艾獵字叔敖十一左傳

艾讀為弋艾獵即弋獵也古晉艾與弋通爾雅大歲

在壬曰元黜音弋史記麻書作橫艾是其例也弋獵者

游田之事故字曰敖說文曰敖出游也

魯公子尾字施父宋鄧名世古今姓氏書辯證鄭樵氏族略

施讀為圪呂氏春秋博學篇鄭賈人奚施淮南人聞篇作憲他見施字古讀如他正與圪同音

施讀為圪呂氏春秋博學篇鄭賈人奚施淮南人聞篇作憲他見施字古讀如他正與圪同音

施讀為圪呂氏春秋博學篇鄭賈人奚施淮南人聞篇作憲他見施字古讀如他正與圪同音

說文

俗作

曳也。莊子秋水篇：此龜者，甯其外為雷。

骨而貴乎甯其生而曳尾於塗中乎？取曳尾之義，故

名尾字托。

秦而術字乞。

備三十一  
年左傳

術讀為遂。文十二年公羊經：正作遂，乞讀為說。遂終

也。竟也。逸周書大子晉篇孔注：遂終也。廣雅云：遂

竟也。說亦終也。竟也。爾雅云：說也。正亦終也。漢書

西域傳顏注：說竟也。

經義述間弟二十一

述二十一

望



*[Faint vertical text, likely bleed-through or secondary commentary, including characters like '術', '竟', '說', '遂', '終', '竟', '說', '正', '亦', '終', '也', '漢', '書', '西', '域', '傳', '顏', '注', '說', '竟', '也']*

春秋名字解詁下一百三十五條

鄭游販字子明

襄二十二年左傳

說文販多白眊也春秋傳曰鄭游販字子明檀弓鄭注曰明目精也。

鄭公孫輒字子耳

襄九年十年左傳

輒耳古字通說文耳耳垂也從耳下垂象形春秋傳曰秦公子耳耳者其耳垂也故以為名案春秋傳無秦公子耳蓋鄭公孫輒之誤也耳垂謂之耳故車耳亦謂之輒說文輒車兩轆也轆車旁也較車轆上曲

述二十三

鈎也臍乘輿金為耳也

宋本為誤作馬毛本又於金下增飾字案史記禮書彌龍

徐廣曰乘輿金薄蟻龍為輿倚較即所謂乘輿金為耳也彌與臍通較車耳反出也大

元積次四君子積善至于車耳測曰君子積善至于

蕃也范望注云蕃車耳也

蕃與輻通漢書景帝紀長吏二

千石車朱兩轆千石至六百石朱左轆應劭注云車

耳反出所以為之藩屏翳塵泥也

案朱轆即古今注所謂文官赤耳也

今本古今注云文官青耳或官赤耳誤也

崔豹古今注重耳古重較也

較與同文官赤耳武官青耳然則輒轆較輿皆車耳也

鄭大夫有姚句耳

句同

此輪上曲鈎之義也晉文公

名重耳晉大夫有梁益耳此重較為重耳之義也

魯子叔輒字伯張昭二十一年左氏經注叔孫輒字子張哀八年左傳

耳垂左右皆外向其象侈張輒之反出以向外亦如之說文矚張耳有所聞也大荒東經曰有一大人張

其兩耳

秦丹字開仲尼弟子傳

丹讀為聃聃古字通定四年左傳聃季史記管蔡世家衛康叔世家竝作丹季說文聃耳曼也名聃字聞與名輒字張同義

李耳字聃

史記老子傳姓李氏名耳字伯陽謚曰聃索隱云許

述二十三

慎云聃耳漫也聲名耳字聃今作字伯陽非正也

鄭公孫黑肱字子張襄十八年左傳注

大戴禮王言篇布指知寸布手知尺舒肘知尋舒肘謂張兩肱也八尺曰尋鄭注考工記梓人云張臂八尺

楚駢臂字子弓仲尼弟子傳

弓讀為肱古字弓與肱通鄉射禮侯道五十弓鄭注云今文弓為肱昭三十一年春秋邾黑肱以濫來奔

公羊作黑弓

齊后處字子里仲尼弟子傳

鄭風將仲子篇無踰我里。毛傳云。里。居也。論語里仁爲美。里仁爲美。擇不處仁。焉得知。鄭注云。里者。民之所居也。

齊陳盈字子芷

元和姓纂有子芷云。陳禧子生子芷。盈因氏焉。

盈讀爲楹。芷讀爲杙。楹。柱也。杙。棟也。說文杙。棟也。從木。亼聲。引爾雅曰。杙。廡謂之梁。蓋杙者。棟之一名。杙。廡者。梁之一名。謂之杙。廡者。言梁上承棟。棟之所附。止也。釋名。楹。或謂之望。言高可望也。或謂之棟。棟。中也。居屋之中也。蓋望與杙。古同聲。杙。卽望也。然則棟。謂之杙。梁。謂之杙。廡。故說文曰。杙。棟也。又曰。杙。廡謂之梁。辨其名物之不同也。或欲刪說文棟也二字。非是。

述二十三

三

齊杞殖字梁

襄二十三  
年左傳

殖。讀爲植。立者謂之植。橫者謂之梁。爾雅。植。謂之傳。傳。謂之突。郭注曰。戶持鎖植也。厥經音義。卷七。引三倉云。戶旁柱曰植。墨子非儒篇。季孫與邑人爭門關。沒植。淮南本經篇。縣縣。睨房植。高注曰。植。戶植也。夏官大司馬。大役與慮事。屬其植。鄭注曰。植。築城植也。是立者謂之植也。爾雅。楹。謂之梁。杙。廡謂之梁。是橫者謂之梁也。爾雅又曰。隄謂之梁。亦取橫互之義。

楚公子啓字子闔

哀六年左傳

說文。闔。里門也。名啓字闔。取啓門之義。王氏南陔曰。啓與闔皆行陳之名。左氏襄二十三年傳言齊侯伐衛。其軍有啓有肱。孔疏以左翼曰啓為賈逵說。逸周書武順篇。一卒居前曰闔。一卒居後曰敦。左右一卒曰闔。孔晁注闔猶啓。皆陳名。

卞仲由字子路魯顏無繇字路

竝仲尼弟子傳

繇與由同。取由路之義也。

楚屈建字子木

襄二十五年左傳

大子建字子木

哀十六年傳

建讀為榘。說文榘。距門也。南都賦注所引如是。今本作阨門也。誤。從木

述二十三

四

建聲。蓋榘者闕杜。所以距門使不可開也。顏氏家訓

曰。古樂府歌百里奚詞曰。百里奚。五羊皮。烹伏雌。吹

扈扈。廣韻云。扈。扈戶局。今日富貴忘我為。吹當為炊。案蔡邕

月令章句曰。鍵闕杜也。所以止扉。或謂之剗。移然則

當時貧困。并以門杜木作薪炊耳。以上家訓門杜以木為

之。故字子木。老子曰。善閉無關榘而不可開。淮南繆

稱篇曰。匠人斲戶。無一尺之榘。不可以閉藏。

陳諸字伯爰

唐書宰相世系表

諸讀為堵。爰讀為垣。小雅鴻雁篇。之子于垣。百堵皆

作傳云。一丈為板。五板為堵。箋云。徵民起屋舍牆壁

百堵同時而起射義蓋觀者如堵牆牆亦垣也。

齊公孫竈字子雅

昭三年左傳子雅韓子外儲說篇作子夏。

雅讀為竊寤雅古同聲

雅古音伍說見唐韻正

故寤通作雅玉

篇引倉頡篇曰楚人呼竈曰竊

齊公子固字子城

昭八年左傳注八年傳作子成假借字也十年傳正作子城

夏官掌固掌脩城郭溝池樹渠之固襄十年左傳城

小而固是其義也或曰固城楚邑名昭十三年傳圍

固城克息舟城而居之是也

固城息舟城皆楚邑也杜注謂息舟楚邑城之

堅固者非是。

魯公孫宿字成

哀十五年左傳注

述二十三

五

成與城通隱元年春秋及宋人盟于宿杜注曰宿小

國東平無鹽縣也僖二十一年左傳所謂任宿須句

顓臾風姓也國必有城故字城

宋大宰盈字蕩

莊子天運篇商大宰蕩曰蕩間之二云云釋文蕩間之一本蕩作盈崔本同或云

盈大宰字案大宰自稱盈則盈其名也蕩字也。

盈讀為程

戶經他丁二切

方言榻前几江沔之閒曰程郭注

曰今江東呼為承程說文程牀前几也

廣韻程牀前几

古零切

程也東方謂之蕩段注曰謂之程者言其平也

程之言呈說交呈平也

案蕩亦平也齊風南山傳云蕩平易也

几平則謂之程又謂之蕩矣古音盈與呈通昭二十

三年穀梁春秋。胡子髡沈子盈滅。釋文。盈本亦作逞。襄二十二年左傳。欒盈自楚適齊。史記晉世家作欒逞。說文。縊從糸盈聲。讀若聽。或從呈作程。是其例也。

宋公子何字弗父

昭七年左傳

何。讀爲枷。音弗。讀爲拂。音拂。說文。拂。擊禾連枷也。枷。拂

也。釋名。枷。加也。加杖於柄頭。以搗穗而出其穀也。方

言。僉。自關而面謂之拂。齊楚江淮之間謂之桴。音案

拂之言拂也。擊物之名也。說文。拂。過擊也。擊謂之拂。

故擊禾者謂之桴。拂。桴聲相近。故又謂之桴耳。古音

何與枷通。故枷通作何。陳風澤陂篇。有蒲與荷。樊光

述二十三

爾雅注引作有蒲與茄。見澤陂正義。茄音加。是其例也。枷之爲

之爲柯也。爾雅。陵莫大於柯。齊語。耒耜枷芟。漢書王

莽傳。子之北巡。必躬載拂。韋顏注與說文同。

晉瑕呂飴甥字子金

僖十五年左傳

飴。讀爲槍。說文。槍。與耜同。耒耜也。從木台聲。鉛。或從金

徐鍇曰。卽耜刃也。音弋之反。弋之反。正與飴同音。故

俗飴爲槍。鄭注考工記。匠人曰。古者耜一金。兩人併

發之。今之耜。歧頭兩金。象古之耦也。又注。月令曰。耜

者。耒之金也。三倉曰。耜。耒頭鐵也。見莊子天 耜爲耒

頭金。故其字或從金作鉛。故瑕呂耜甥字子金。

魯季公彌字鉏襄二十三齊犁彌字且單行本史記齊世家索隱

且卽鉏之假借也。彌讀爲鑿。玉篇鑿切青州人呼

鎌也。說文鉏。立彡斫也。鑿鉏皆所以芟夷者。故名鑿

字鉏。

魯商瞿字子木仲尼弟子傳

瞿讀爲權。釋名云。齊魯謂四齒杷爲權。具俱切說文云

杷。收麥器也。蓋以木爲之。故字從木。權之言俱也。齒

兩兩俱列也。說文。朋。左右視也。讀若拘。又讀若良士

瞿。瞿。稟舉朱切。芣。雷也。芣。宜瓜切。兩刃雷也。目兩視謂之

明。兩刃雷謂之稟。四齒杷謂之權。齊義皆相近也。淮

述二十三

南說林篇。木大者相權。山高者基扶。言其相基之四

布也。爾雅。四達謂之衢。義亦相近。

陳金父字仲爾唐書宰相世系表

爾讀爲橋。遵初六。繫于金柅。釋文。柅。說文。文作橋。云。絡

絲。跌也。讀若昵。子夏作鏹。蓋絡絲之橋。占或以金爲

之。故易曰。繫于金橋。而其字或從金作鏹。玉篇。銳。古

文橋。部字亦從金。

附 號公鼓字后父呂氏春秋當菜篇注案鼓周幽王時人杜春秋前

鼓。量名也。所容重一石。周語。闕石。餼鈞。韋注曰。石。今

之斛也。史記滑稽傳。臣飲一斗亦醉。一石亦醉。一石一斛也。續漢書百官志。中二千石。奉月百八

斛。廣雅曰。斛謂之鼓。是鼓與石同也。或以十二斛為鼓。所容重十二石。曲禮獻米者操量鼓。正義引何氏隱義曰。東海樂浪人呼容十二斛者為鼓。釋文引作十二石。案容十二石。則其器甚大。獻米者執之不便。當以廣雅斛謂之鼓為是。其器但容一石。故小而易操也。家大人曰。管子樞言篇云。金鼓滿則人概之。荀子富國篇云。瓜桃棗李。一本數以盆鼓。據左傳考工記。釜受六斗四升。盆受一斛二斗八升。皆與一斛之鼓不甚相遠。故或竝言釜鼓。或竝言盆鼓也。

晉楊會我字伯石

昭二十八年左傳

述二十三

八

晉王氏南陔曰。廣雅石。秬也。說文秬。百二十斤也。稻一秬。為粟二十斗。禾黍一秬。為粟十六斗。大半斗。漢書食貨志云。今一夫挾五口。治田百畝。歲收畝一石半。為粟百五十石。除十一之稅十五石。餘百三十五石。會八月一石半。引之案管子國蓄篇。中歲之穀。糶石十錢。大男會四石。月有四十之籍。大女會三石。月有三十之籍。吾子會二石。月有二十之籍。

楚囊瓦字子常

昭二十三年左傳

常讀為寔

丁浪切

常寔皆以尚為聲。故借常為寔。說文

寔。大盆也。從瓦。尚聲。廣雅。寔。甕也。

覽。胡監切。說文。急作鑑。云。大盆也。

就篇曰。甌甌甌甌。瓊器盧。或曰。以甌甌井也。漢書游俠傳。觀瓶之居。居井之眉。一旦直凝。為甌所輻。顏注曰。甌井。以甌為甌者也。夫益謂之甌井。甌亦謂之甌。皆瓦質也。

齊步叔乘字子車。仲尼弟子傳

齊公孫捷字子車。昭八年左傳子淵捷字子車。二十六年傳

取疾驅之義。說文。捷疾也。捷與捷同。

齊北郭佐字子車。襄二十八年左傳

少儀乘貳車。則式。佐車則否。鄭注曰。戎獵之副曰佐

案檀弓。魯莊公及宋人戰于乘邱。縣賁父御。上國為

述二十三

右。馬驚敗績。公隊。佐車授綬。此戎車之副也。夏官田

僕掌馭田路。以田。以鄙。掌佐車之政。此獵車之副也。

附齊田廣字駢。莊子天下篇釋文引慎子曰。田駢名廣。

駢讀為萃。春官車僕掌廣車之萃。萃車之萃。釋文萃薄經反

又薄。鄭注云。皆兵車也。廣車。橫陳之車也。萃。猶屏也。

書所用對敵自蔽隱之車也。春秋傳曰。其君之戎。分為

三廣。則諸侯戎路廣車也。孫子八陳有萃車之陳。故

書萃作平。杜子春云。平車。當為駢車。釋文駢薄經反案廣與

萃。皆兵車之名。故名廣字萃。

齊梁邱據字子猶。昭二十一年左傳

據讀爲遽猶讀爲輶。遽也。輶也。皆車之輕且速者也。爾雅。遽。傳也。僖三十三年左傳。且使遽告於鄭。吳語。徒遽來告。孤日夜相繼。杜韋注。並云。遽。傳車也。昭二年左傳。子產懼弗及。乘遽而至。則遽爲車之最速者。遽者疾也。車輕行疾。故謂之遽也。爾雅。輶。輕也。說文。輶。輕車也。秦風。駟鐵篇。輶車。彎鑣。毛傳。與爾雅同。

魯會參字子輿

仲尼弟子傳

參讀爲駢。秦風。小戎篇。箋云。駢。兩駢也。桓三年左傳。正義云。初駕馬者。以二馬來轅而已。又駕一馬與兩服爲參。故謂之駢。又駕一馬。乃謂之駟。故說文云。駢。駢三馬也。駟。二乘也。總舉一乘。則謂之駟。指其駢馬。則謂之駢。詩稱兩駢如舞。二馬皆稱駢。禮記稱說駢而賻之。一馬亦稱駢。是本其初參。遂以爲名也。名駢字子輿者。駕馬所以引車也。

述十三

十

秦公子鍼字伯車。晉語。秦公子鍼字伯車。與爾雅同。鍼讀爲鈗。玉篇。其沾切。又救淹切。鍼。鈗古字通。夏官射鳥氏注。并夾。鍼。箭具。釋文。鍼。其炎反。李其嚴反。沈云。或作鈗。是也。說文。鈗。膏車鐵鈗。

魯孔穿字子高

史記孔子世家

穿。車轂口金也。高讀爲膏。車行則膏轂之穿以利轉。

故穿字子膏也。先鄭考工記注云：賢犬穿也。軛，小穿也。後鄭云：犬小穿皆謂金也。說文：鈇，車轂口鐵也。史記田敬仲世家：豨膏棘軸，所以爲滑也。然而不能運方穿，言必以膏之滑運穿之圓也。孟軻荀卿傳：炙轂過髻，集解云：劉向別錄過字作輶，輶者車之盛膏器也。索隱云：過爲潤轂之物。今人車旁懸小油瓶而置毛帚於其中，時出其油以潤轂口。犬穿小穿皆潤之謂之膏車，是矣。

秦公子繫字子顯

說文：繫，或馬字。云：絆馬也。檀弓：子顯以致命於穆公。

述二十三

二

鄭注云：使者，公子繫也。引盧植注云：古者名字相配。

顯當作鞮。

呼見切

案鞮，說文作鞮，云：著腋鞞也。

並引作著掖皮也。

釋名：鞮，經也。橫經其腹下也。義與說文相近。惟倍二十八年左傳鞮鞞鞅鞞，杜預注云：杜肯曰鞮，與說文釋名異義。史記禮書鮫鞮，徐廣用說文小司馬用釋名，而玉篇廣韻則皆用杜注，不復存古義矣。

矣。

齊宗樓字子陽

哀十一年左傳

樓讀爲鏐，陽讀爲錫。大雅韓奕篇：鉤膺鏐錫。傳曰：鏐，錫有金鏐其錫也。箋曰：膺，上曰錫，刻金飾之。今當盧。

也。春官巾車。王路。湯。鄭注曰：錫馬面當盧，刻金爲之。所謂鏤錫也。

宋樂轡字子蕩。襄六年左傳

蕩讀爲鞵。廣韻鞵與章切。馬額上鞞鞞。則古勒名。說文

銜也。案鞵勒之杜額上者也。疑卽詩鈎膺鏤錫之錫

字或從革耳。廣韻錫與章切。馬額飾。馨義正同。轡與勒

相近。故名轡字鞵。鞵與蕩聲相近。故通作蕩。鞵之爲

蕩猶湯谷之爲湯谷也。史記五帝紀案隱

鄭然丹字子革。昭十三年左傳

古者用革多以丹染之。若齊風載驅之朱鞞。毛傳云諸侯之

述二十三

路車。有朱革之質而羽飾。小雅瞻彼洛矣之鞞鞞。土冠禮注云鞞

爲之染以茅。成十六年左傳之鞞鞞。杜注云鞞赤色

事鞞弁服。鄭注云以鞞鞞爲弁。又以爲春官司服。凡兵

衣裳引春秋傳。晉郤至衣鞞鞞之跗注。鄉射禮記之

韋當。鄭注云直心背之衣。日當以丹韋爲之。大射儀之朱極。注云以朱

明堂位之朱干。注云朱干赤大盾也。齊語定。吳語之

丹甲。宣二年左傳從其有皮。丹漆若何。譏棄甲也。皆是也。其他不可枚舉

宋孔金父字子木。桓元年左傳正義引世本作木金父。潛夫論志氏姓篇作子木金父子木。

晉解侯字張。成二年左傳案傳稱張侯者。文十一年傳正義曰。古人連言名字者皆先字後名。

說文侯從人從厶。象張布。夏官射人王大射則以狸

步張三侯。

朱張字子弓

論語微子篇釋文引王弼注

說文張施弓弦也。

鄭豐卷字子張

襄三十一年左傳

卷讀為拳。漢書司馬遷傳張空卷。

音邱權切。又音眷。

冒白刃。

李奇注曰。卷弩弓也。字或作拳。文選閒居賦注引張

晏曰。連弩三十。參共一臂。

參音卷。

或曰。卷讀為確。

巨員切。

說文確。弓曲也。

楚令尹舍字子發

荀子彊國篇

發讀為拔。古字發與拔通。

鄭注檀弓曰。公叔文子名拔。或作發。

秦風駟

述二十三

三

鐵篇舍拔則獲。傳云拔矢末也。箋云拔。括也。緇衣引

大甲曰。若虞機張。往省括于度則釋。釋亦舍也。或曰。

發發矢也。與舍同義。

楚公子比字子干

昭十三年左傳

牧誓比爾干。傳云。干。楯也。正義曰。竝以扞敵。故言比。

齊弦章字子旗

呂氏春秋勿躬篇作弦章。韓非子外儲說篇作弦商。商章古字通。新序雜事篇

作弦甯。章字之誤也。管子小匡篇作子旗。蓋弦章之字。

謂旌旗之采章也。月令曰。命婦官染采。以為旗章。小

雅六月篇曰。織文鳥章。大雅韓奕篇曰。淑旂綬章。郊

特牲曰。旂十有二旒。龍章而設日月。爾雅曰。因章曰

旃皆謂旌旗。旗章所以立表以示眾人。因而凡物之表皆謂之章。亦謂之旗。閔二年左傳。衣身之章也。佩衷之旗也。杜注云。旗表也。所以表明其中心。昭元年傳。舉之表旗而著之制令。

鄭公子偃字子游

成六年左傳注

駟偃字子游

昭十六年傳注

晉荀偃

字伯游

襄十三年傳

籍偃字游

音語注

吳言偃字子游

仲尼弟子傳

顏成偃字子游

莊子齊物論篇

偃讀爲𠂔。說文𠂔。旌旂之游。𠂔。蹇之。𠂔。讀若偃。古人名偃字子游。案𠂔。本字也。偃。俗字也。古人名字多假借。必讀本字。而其義始明。

述二十三

十四

齊樂施字子旗

昭十年左傳

鄭豐施字子旗

昭十六年傳注

魯巫馬

施字子旗

仲尼弟子傳。旗論語述而篇。通作期。

說文施。旗兒。齊樂施字子旗。知施者旗也。旖。旗旖施也。

也。

楚鬬成然字子旗

昭十三年左傳

成然。旃也。疾言之爲旃。徐言之爲成然。成然之合爲旃。猶終葵之合爲椎也。

說文椎。齊謂之終葵。成與旃。終與椎。今

韻俱不同位。而呼旃爲成然。呼椎爲終葵者。古音寬

緩。依類相從。非若後世之拘牽破碎也。左傳宋元公

太子樂。史記宋世家作頭曼。董道廣川書跋云。孫炎

以絲爲頭曼合聲。史記貨殖傳范子計然。徐廣注云計然者范蠡之師也。名研。研亦計然之合聲。計與研頭與樂俱不同位也。春官司常掌九旗之物名。通帛爲旛。旛與旃同。爾雅曰。因章曰旃。說文旃。旗曲柄也。

所以旃表士厭

榮旂字子祺仲尼弟子傳

祺讀爲旃。唐書禮樂志正作榮子旗。春官司常掌九旗之物名。交龍爲旒。爾雅曰。有鈴曰旒。日蘇文旒之

楚文之無畏字子舟文十年左傳

無語詞。畏讀曰隈。舟上柱也。釋名曰。船又曰舟。言周

述三

流也。其前立柱曰隈。

俗作桅說文無桅字

隈巍也。巍巍高貌也。

周王札子字捷

宣十五年左氏經傳杜注曰王札子王子札也蓋經文倒札字

捷讀曰楫。船權也。釋名曰。船杜旁撥水曰權。又謂之

札形似札也。又謂之楫。捷也。撥水使舟捷疾也。是

楫與捷聲相近

玉篇楫才立子葉二切捷疾葉切

故楫通作捷

楚成得臣字子玉

僖二十三年二十七年左傳

春秋定九年夏得寶玉大弓。左傳曰。陽虎歸寶玉大

弓。書曰。得器用也。凡獲器用曰得。案器用之美者莫

如玉。故名得字。玉或曰。得讀爲德。古字德與得通。

象傳君子以順德釋文姚本德作得論語微子篇何德之衰漢石經德作得玉藻曰。君子

無故玉不去身君子於玉比德焉聘義曰君子貴玉而賤珉者何也夫管者君子比德於玉焉管子水地篇夫玉之所貴者九德出焉

齊陳瓘字子玉

哀十五  
年左傳

昭十七年左傳瓘工玩學玉瓚杜注云瓘珪也學玉

爵也案珪乃玉瓚之柄見考工記既言玉瓚則柄杜

其中不得更言作柄之珪矣且珪與瓚一物也學又

一物也瓘玉瓚之間何得雜之以學乎遍考書傳亦

無謂珪為瓘者杜說非也今案瓘學與玉瓚對文則

瓘乃玉石之名說文瓘玉也引春秋傳曰瓘學然則

述一十三

六

瓘學者以瓘為學猶玉瓚以玉為瓚也竊疑瓘為琨

之或體說文琨石之美者從玉昆聲或從貫作瓚禹

貢瑤琨馬融本見釋文及漢書地理志皆作瑤瓚禹貢

釋文引韋昭音貫悉漢書音義正與瓘同音瓘卽瓚也瓘

學猶言瑤爵耳王肅注禹貢曰瑤琨美石次玉者也

故陳瓘字子玉矣說文誤分瓘瓚為二字耳

衛遠瑗字伯玉

襄二十六  
年左傳

爾雅好倍崗謂之瑗說文瑗大孔壁人君上除瑗以

相引

楚觀從字子玉

昭十三  
年左傳

從讀爲琮才宗切聲相近而假借也說文琮瑞玉大八

寸似車釘

附 魏翟觸字璜說苑臣術篇

大戴禮記係傳篇下車以佩玉爲度上有蔥衡下有雙璜衡牙珌珠以納其閒玉藻佩玉有衡牙鄭注云居中央以前後觸也正義曰凡佩玉必上繫於衡下垂二道穿以蠙珠下端前後以縣於璜中央下端縣以衡牙動則衡牙前後觸璜而爲聲

石作蜀字子明仲尼弟子傳案廣韻以石作爲複姓

蜀讀爲燭韓子外儲說篇曰舉燭者尚明也

述二十三

七

齊陳書字子占昭十九年左傳

說文占視兆問也金縢乃卜三龜一習吉啓籥見書

乃井是吉鄭注云三龜占書亦合於吉正義引正義云

周禮大卜其經兆之體皆百有二十其頌皆千有二

百占兆之書則彼頌是也呂刑明啓刑書胥占亦謂

明開刑書相與視之也

鄭石制字子服宣十二年左傳

制讀爲製說文製裁衣也定九年左傳暫憤而衣狸

製服虔注云狸製狸裘也見幽風七月正義哀二十七年傳

陳成子衣製杖戈杜預注云製雨衣也說苑復恩篇

吳赤市使於智氏。假道於衛。甯文子具紵絺三百製。將以送之。史記叔孫通傳。通儒服。漢王憎之。迺變其服。服短衣。楚製則製乃衣服之通稱也。

魯仲孫它字子服

魯語

它讀爲衲。說文衲。裙也。衲。衣衾也。

紀裂繻字子帛

隱二年左氏經傳

內則男鞶革。女鞶絲。鄭注云。鞶。小囊盛帨巾者。有節

緣之。則是鞶裂與。此讀桓二年左傳。詩云。丞帶如厲

小雅都人士箋云。厲當作裂。紀子帛名裂繻。字雖今異。意實同也。

案鞶囊有節。謂之裂。書傳無文。詩毛傳及左傳服注

述二十三

十六

竝云。厲帶之丞者。無煩讀厲爲裂。而以爲鞶囊之飾也。裂繻。蓋謂裂帛邊。以爲符信。漢書終軍傳。關吏子

軍繻。張晏注云。繻。符也。書帛裂而分之。若券契矣。蘇

林注云。繻。帛邊也。舊關出入。皆以傳傳。煩因裂繻頭

合以爲符信也。紀子帛名裂繻。則裂繻爲符。春秋時

已有之。不始於漢世矣。

陳公子佗字五父

莊二十二年左傳

佗讀爲純。召南羔羊篇。素絲五純。素絲五絨。素絲五

總。毛傳曰。純。數也。絨。緝也。案訓絨爲縫。本於爾雅。尋釋三章文。義實不當。如爾

雅所訓。總。數也。案純。絨總。皆數也。五絲爲純。四純爲絨。

四絨爲總。五純。二十五絲。五絨。一百絲。五總。四百絲。故詩先言五純。次言五絨。次言五總也。西京雜記載。鄒長倩遺公孫宏書曰。五絲爲緇。倍緇爲升。倍升爲絨。絨今本譌作絨。卑雅引此正作絨。倍絨爲紀。倍紀爲纓。倍纓爲緹。纓與總通。幽風九罭釋文曰。纓字又作總。然則絨者二十絲。總者八十絲也。孟康注漢書王莽傳曰。纓八十縷也。說文作纓。云布之八十縷爲纓。正與倍紀爲纓之數合。純之數。今失其傳。案釋文曰。純本又作侘。春秋時。東公子佗字五父。則知五絲爲純。卽西京雜記之緇矣。

附周王子叔繡字鎔。漢書地理志注引世本云。鎔叔繡。文王子。案繡名也。鎔字也。古人連

述二十三

五

言名字者。皆先字後名。故稱鎔叔繡。名與伯仲叔季。並稱者。猶夏后禹之爲伯禹。周公旦之爲叔旦也。

王氏南陔曰。說文繡。五采備也。考工記。五采備。謂之繡。鎔。金涂

也。詩大雅韓奕篇。簞苒鎔衡。毛傳云。鎔衡。文衡也。孟子云。所以不願人之文繡也。是鎔與繡有文章交鎔之義。左思蜀都賦云。疆理綺鎔。引之案秦策云。秦韓之地形。相鎔如繡。是繡固文章相鎔者也。故地形之相鎔者。取喻於繡焉。

鄭公子論字子印。春秋世族譜

論讀爲綸。漢書古今人表。鄭成公綸。顏注曰。綸。印綸。綸音工。頑反。左傳作論。音工。頓反。

也。說文。綸。紉青絲。綸也。印。執政所持信也。法言。孝至

篇五兩之綸半通之銅李軌注云綸如青絲繩也五兩之綸半通之銅皆有秩嗇夫之印綬後漢書仲長統傳無半通青綸之命李賢注引十三州志曰有秩嗇夫得假半章印綬案墨子號令篇云有能得若捕告者以其所守邑大小封之守還授其印又云候三發三信許之二百石之吏守珮授之印史記蔡澤傳懷黃金之印結紫綬於要蓋官吏之有印綬由來已久鄭公子綸字子印則春秋時已有佩印綬者不始於漢矣

齊公子于字且

哀六年左傳南郭且于杜注且于齊公子鈕也案且與鈕通鈕其字也于其名

述二十三

三

也文十一年傳正義曰古人連言名字者皆先字後名故稱且于

于讀為芋且讀為菹

釋文且于餘反說文菹酢菜也聲與菹相近

士喪禮既豆兩其實菹菹芋臠醢鄭注云齊人或名

全菹為芋公子齊人故取以為名字與

顏祖字襄

仲尼弟子傳

祖讀為菹

祖菹皆從且得聲

襄讀為釀釀從釀聲釀近假借

也廣雅釀

曹憲音攘

菹也菹與菹同說文釀菜也廣韵云

釀菜為菹菹亦與菹同釀之言釀也鄭注內則說菹

云釀菜而柔之以醢殺腥肉及其氣釋名云菹阻也

生釀之遂使阻於寒溫之間不得爛也或曰祖讀為

垣。襄讀爲壤。方言。坻垣。郭音垣。場也。場郭音傷。梁宋之間。蚘

蟬。科鼠之場。謂之坻蟬。場謂之垣。郭注云。蟬。蚘蟻也。

其糞名垣。隱三年穀梁傳疏。壤。徐邈音傷。虞信云。齊

魯之間。謂鑿地出土。鼠作穴。出土。皆曰壤。壤即場也。

鄭公子平字子豐。春秋世族譜

平。疑當作年。隸書年字或作丰。見北海相景君銘。孔融碑。與平相

似而誤。名年字豐。取豐年之義也。齊僖公之母弟夷

仲年。亦以年爲名。

秦白丙字乙。僖三十二年左傳作白乙。三十三年傳作白乙。丙蓋白姓也。乙字也。丙名也。稱白乙丙者。文十一年傳正義曰。古人連言名字者。皆先字後名。

述二十三

壬

丙火也。剛日也。乙木也。柔日也。名丙字乙者。取火生

於木。又剛柔相濟也。

鄭石癸字甲父。春秋世族譜。以石甲父石癸爲一人。元和姓纂曰。鄭石癸字甲父。

癸水也。柔日也。甲木也。剛日也。名癸字甲者。取木生

於水。又剛柔相濟也。

楚公子壬夫字子辛。襄五年左傳

壬水也。剛日也。辛金也。柔日也。名壬字辛者。取水生

於金。又剛柔相濟也。匡謬正俗曰。襄五年楚公子壬

夫字子辛。今之學者以其字子辛。遂改壬夫爲壬夫

同。是日辰名字相配也。按楚有公子午字子庚。庚是

十幹。午是十二支法有相配。或者此人以庚午歲若庚午日生。故名庚字子午耳。辛壬同是十幹。若以辛生。則不得名壬。若以壬生。則不得字辛。此與庚午不相類。固當依本字讀爲王夫。不宜穿鑿改易爲壬也。

以上正俗案顏說非也。公子午字子庚。自以幹支相配。公子壬夫字子辛。自以十幹相配。二者意義各殊。不得以彼例此也。若謂同是十幹。不宜相配。則何以秦

之白丙字乙。鄭之后癸字甲。父衛之夏戊字丁乎。十幹相配。義取五行相生。非謂其以此日生也。又何嫌於名壬字辛乎。古人名字相應。若如顏說作王。則與辛不相應。豈古人名字之例乎。

述二十三

衛夏戊字丁

哀十一年二十五年左傳

戊。土也。剛日也。丁。火也。柔日也。名戊字丁者。取土生於火。又剛柔相濟也。

楚公子午字子庚

襄十八年左傳

小雅吉日篇。吉日庚午。旣差我馬。傳云。外事以剛日。

鄭印癸字子柳

昭十六年左傳注

柳讀爲酉。說文。柳。從木而聲。耶。古文酉。是酉柳聲相近。故借柳爲酉也。酉之爲柳。猶酉之爲雷也。漢書律

麻志曰。雷孰於酉。訓酉爲雷也。雷亦以耶爲聲。海甯

麻志曰。雷孰於酉。訓酉爲雷也。雷亦以耶爲聲。海甯

錢氏廣伯曰。吳志虞翻傳注。翻說堯典。柳谷曰。古大篆。𠂔字讀當爲柳。古柳𠂔同字。案堯典以𠂔爲柳。此以柳爲𠂔。

魯顏幸字子柳

仲尼弟子傳

錢氏廣伯曰。幸乃辛之譌。柳亦當讀爲𠂔。引之案明申金蟠本家語。正作顏辛。洪邁隸續釋魯峻石壁殘畫。象顏子柳云。考孔子家語。史記七十子傳。顏子柳名辛。則所見弟子傳辛字尚不誤。

附魯泄柳字子庚

庚

孟子告子篇。子柳子思爲臣。趙注曰。子柳泄柳也。說苑雜言篇。子柳作子

述二十三

三

錢氏廣伯曰。柳亦當讀爲𠂔。引之案。𠂔古文西。淮南時則篇云。仲秋之月。招搖指西。其日庚辛。故名西字庚。

楚鬬宜申字子面

僖二十六年左傳

公子申字子面

哀六年傳

魯曾

申字子面

經典釋文敘錄

疑當作面

淮南時則篇。孟秋之月。招搖指申。其位西方。支十八

年左傳。齊懿公游于申池。杜注云。齊南城而門名申

門。水經淄水注云。系水出齊城南

面。京相璠杜預竝言申門。卽齊城南

一門矣。爲申池。然則面謂之申。古之恆言也。名宜申

者謂宐直申方也。宐申猶言利而甬耳。

楚公子辰字子商成十年左傳

昭元年左傳。晉高辛氏有二子。伯曰闕伯。季曰實沈。居于曠林。不相能也。日尋干戈。以相征討。后帝不臧。

遷闕伯于商邱。主辰。商人是因故辰為商星。杜注曰。

商邱。宋地。主辰。主祀辰星。辰。大火也。商人湯先相土。

封商邱。因闕伯故國。祀辰星。

鄭公子宋字子公宣四年左傳

宋國公爵。

晉女齊字叔侯襄二十九年左傳

齊國侯爵。

陳公子楚字子宋元和姓纂蓋出世本

鄭游楚字子南昭元年左傳

魯林楚字南定八年左傳

林通南。子叔文楚字仲南元和姓纂引世本

狐文之無畏。耿之不字之誤

比。皆以之為語詞。

商頌殷武篇。維女荆楚。居國南鄉。

衛公子楚字南一名荆春秋世族譜以公子蒯南楚為一人

楚名也。南字也。古人連言名字者。皆先字後名。故稱南楚。楚又名荊耳。襄二十九年傳。吳公子禮適衛。說遷瓊。

史狗史鱗。公子荊。公孫發。公子朝。皆人名。

秦秦祖字子南仲尼弟子傳

述二十三

三

祖讀爲楚聲近假借也。荆楚之楚通作祖，猶詩衣裳

楚楚之楚，說文引作糞也。祖糞皆以且爲聲。秦祖字子南，猶

游楚字子南也。或曰：祖讀爲沮。漢書地理志：漢中郡

房陵縣東山沮水所出。東至郢入江。字或作睢。定四

年左傳：楚子涉睢濟，入于雲中。哀六年傳：江漢睢

漳楚之壑也。杜注云：四水杜楚界。故字子南。

衛公子郢字子南。哀二年左傳。

說文：郢，故楚都，杜南郡江陵北十里。

陳夏徵舒字子南。成二年左傳。襄十二年左傳。又元和姓纂：楚公子追舒字子南。

述二十三

五

徵古懲字。魯頌閟宮篇：荆舒是懲。史記建元以來侯

者年表作荊舒，是徵懲舒。追舒蓋以時事名之也。定八年左傳：苦越生子，將待事而名之。陽州之役，獲虜名之曰陽州。文十二年左傳：羣舒

叛楚。杜注云：羣舒，舒庸舒鳩之屬。今廬江南有舒城。

舒城西南有龍舒。云四水杜蔡異對字子南。

陳公子少西字子夏。宣十一年左傳。卽楚語公子夏也。鄭公孫夏字子

西。襄十年傳注。

西夏國名也。逸周書史記篇：晉者西夏，性仁非兵。城

郭不脩，武士無位，惠而好賞，屈而無以賞。重氏伐之。

城郭不守，武士不用，而夏以凶。或曰：大夏，山名也。呂

氏春秋古樂篇。晉者伶倫。自大夏之西。乃之阮陰之陰。取竹於嶰谿之谷。高注云。大夏。西方之山。本味篇。和之美者。大夏之鹽。注云。大夏。澤名。或曰。山名。杜而北。

魯苦越字夷 定七年八年左傳

鄭靈公夷字子蠻 成二年左傳 一字子貉 昭二十八年傳

齊東郭牙 呂氏春秋重言篇 字垂 說苑權謀篇

牙讀爲圍 牙古讀如吾與圍聲近而通 爾雅。圍。垂也。孫炎云。圍。國

之四垂也 大雅桑柔正義

晉師曠字子野 昭八年左傳

述二十三

三

小雅何草不黃篇。匪兕匪虎。率彼曠野。毛傳云。曠。空也。曠。或作曠。孟子離婁篇。民之歸仁也。猶水之就下。

獸之走曠也。趙注云。獸樂曠野。

附 楚屈平字原 史記屈原傳楚辭離騷注

爾雅。廣平曰原。昭元年公羊傳。上平日原。

附 趙李緝字牧 秦策

緝當爲楸。楸。古藪字。禮運。鳳皇麒麟皆杜郊。楸。鄭注

云。楸。聚草也。釋文。楸。素口反。徐摠會反。澤也。本或作

藪。案徐音摠。會反。則所見本楸誤作藪可知。然則秦

策亦是楸。譌爲藪。傳寫者又譌爲緝耳。名藪字牧者。

天官大宰九職四曰藪牧養蕃鳥獸鄭注云澤無水曰藪牧牧田杜遠郊皆畜牧之地。

楚沈諸梁字子高哀十六年左傳

廣韵楚文王庶子有會邑諸梁者諸都古字通禹貢孟豬

夏官職万氏作望諸史記夏本紀作明都諸梁蓋即都梁也史記建元以

來王子侯者年表都梁侯長沙定王子漢書地理志

零陵郡都梁侯國水經資水出零陵都梁縣路山酈

道元注云都梁縣漢武帝元朔五年以封長沙定王

子敬侯遂之邑也縣而有小山山上有渟水其中悉

生蘭草俗謂蘭為都梁山因以號縣受名焉案梁者

述二十三

橫互之稱故山多以梁為名若書治梁及岐詩奕奕梁山爾雅梁山晉望梁

山之屏象孟子去邠踰梁山齊策畢季梁父山海經嬰梁山高粱山水經注嵩梁山之類不可枚舉都

梁山亦是也蘭草本因所生之山而得名非山因所

生之草而得名也其名都梁者或取水渟山上之義

說文瀦水所停也檀弓鄭注云南方謂都為豬都梁

者瀦梁也都梁山名故字子高

魯公孫有陘字山

爾雅山絕陘郭注云連山中斷絕說文陘山絕坎也

陘之言陘也廣雅陘古定切隔也隔絕不相連之稱也

凡兩山中斷以成隘道者皆謂之陘故述征記云太

行山。自河內北至幽州。凡有八陁。見元和郡縣志或曰山阪

謂之陁。廣雅。陁。阪也。孟子盡心篇。山徑之蹊。間介然。

趙注云。山徑。山之領。徑與陁通。領亦阪也。廣雅。領。法阪也。

言吾子篇作山陁之蹊。

宋公子段字子石。襄二十一年左傳鄭公孫段字子石。印段字子

石。竝襄二十七年傳

段讀爲鍛。字或作鍛。大雅公劉篇。取厲取鍛。傳云。鍛

石也。箋云。鍛石所以爲鍛質也。取鍛厲斧斤之石。可

以利器用。說文。礲。厲石也。引春秋傳曰。鄭公孫礲字

子石。唐元度九經字樣。礲音霞。見春秋案。陸德明毛

述十三

天

詩音義。鍛本又作礲。丁亂反。引說文云。礲。厲石。又引

字林。大喚反。廣雅。礲。厲也。曹憲音都。玩反。則礲之音

段。相承自古。唐以前未聞有作礲而音霞者也。礲從

石段聲。故鄭公孫礲左傳。但作段。則所謂見春秋者。

亦必作礲而不作礲。音段而不音霞矣。玉篇。礲。都亂

切。礲石也。礲。下加切。礲。礲高下也。礲。礲字體各異。音

義俱別。又安可讀礲。厲之礲。爲礲礲之礲乎。徐鍇徐

鉉音說文。礲字爲乎加切。蓋治唐元度之誤。而不知

耳。廣韻下平聲九麻。礲。胡加切。礲石也。引春秋傳曰。鄭公孫礲字子石。亦沿俗本說文之誤。

楚公孫龍字子石。仲尼弟子傳

龍讀爲龔龔亦厲石也說文龔礪也從石龍聲晉語

趙文子爲室斲其椽而龔之賈逵注云龔磨也見枚乘諫

吳王荀子性惡篇鈍金必待龔厲然後利楊注云龔

厲皆磨也。

魯公子堅字石元和姓纂魯僖公生共叔堅堅生惠叔子叔爲公石氏紫石蓋堅之字公石者

公子石也猶公子衍公子爲之稱公衍公爲。

呂氏春秋誠廉篇石可破也而不可奪堅。

齊公孫青字子石昭二十一年左傳

齊風箬篇充目以青乎而毛傳云青青玉也正義云

考工記玉人云天子用全則公侯以下皆玉石雜言

述二十三

无

青玉亦謂玉石雜也青爲玉石雜故字子石或曰青

空青也石之類也秋官職金掌凡金玉錫石丹青之

戒令鄭注云青空青也管子小稱篇丹青杜山民知

而取之揆度篇秦明山之會青神農本草玉石部有

空青曾青白青扁青膚青。

魯公斂陽字處父定八年左傳

僖二十八年穀梁傳山南爲陽大雅皇矣篇居岐之

陽是其義也或曰陽溫也謝風七月箋管子宙合篇夏處

陰冬處陽謂夏就寒冬就溫也。

宋蕩澤字子山成十五年左傳

齊公子湫字子淵

廣韻下平替一先及古  
今姓氏書辨證引世本

說文湫

子了切又  
卽由切

安定朝那有湫淵漢書郊祀志湫

淵祠朝那蘇林曰湫淵杜安定朝那縣方四十里停

水不流冬夏不增不減不生草木顏師古曰此水今

在涇州界清徹可愛不容穢濁或誼汚輒興雲雨案

湫者水清之貌淮南原道篇湫澹寂寞高注云湫澨

清靜也淵水清徹故謂之湫矣

魯顏回字子淵

仲尼弟  
子傳

說文淵回水也回淵水也

又部夏  
字注

列子黃帝篇鯢桓

之潘爲淵止水之潘爲淵流水之潘爲淵濫水之潘

述二十三

爲淵沃水之潘爲淵汎水之潘爲淵雖水之潘爲淵

汧水之潘爲淵肥水之潘爲淵殷敬順釋文云潘本

作蟠蟠河流也

河與  
回同

荀子致土篇水渌則回釋名說

弓云簫箏之間曰淵淵宛也言宛曲也回水爲淵亦

水之宛曲盤回也

鄭公孫闕字子都

隱十一  
年左傳

攤水謂之闕聚水謂之都說文闕遮攤也闕與遏通

廣雅都聚也水經文水注曰水澤所聚謂之都亦曰

澗漢書召信臣傳開通溝瀆起水門提闕顏師古注

云闕所以壘水提闕卽提堰也

爾雅提謂之梁鄭仲  
師注天官獻人云梁

水偃也。偃與堰同。又謂之塌。文選沈休文三月三日率爾成篇詩注云。堰築土以壅水也。一作塌音塌。魏志劉馥傳興治芍陂及茹陂七門吳塘諸塌以溉稻田。塌之言過也。過之則聚而成都矣。禹貢熒播既豬。豬與豬同。傳云熒澤播水

已成過豬。正義云言壘過而為豬。史記夏本紀作熒播既都。檀弓滲其宮而豬。鄭注云豬都也。南方謂都為豬。地官稻人以豬畜

水鄭注引春秋傳規偃豬。襄二十五年左傳云偃豬者畜流水之陂也。案偃豬即過豬。偃過一聲之轉耳。

滅字子蒲。檀弓

王氏南陔曰滅即莫之借字。說文莫字說引周書曰

布重莫庶織蒻席也。讀與蔑同。蒻蒲子可以為平席

今周書作敷重蔑席。馬融云蔑織蒻。釋文王肅云織蒻

蒻席。孔疏蒻字是漢時通用。古文蓋作莫莫是織蒻蒻

為蒲子。故名莫字蒲。

秦公孫枝字子桑。僖九年十一月左傳晉語

楚鬬椒字伯芬。僖二十八年左傳一字子越。文九年十月六年傳周劉狄

芬。又曰檉。香木也。荀子禮論。椒蘭芬苾。所以養鼻也。

故名椒字伯芬。越謂香之發越也。韋昭晉語注曰。越

發聞也。宋玉高唐賦曰。越香掩掩。司馬相如上林賦

述二十三

三

三

三

三

三

曰。眾香發越。是也。故又字子越。狄當爲秋。字形相似而誤也。中山經。大山有草。其葉狀如萩。而赤。蒼。隄。子。十過篇。萩蒿。桔楚。今本萩。譌作萩。趙策。萩蒿。

苦楚。今本。萩譌作伙。萩者。椒之假借。古聲。椒與秋同。故椒或作萩。

文九年。左氏春秋經。楚子使椒來聘。穀梁。或作萩。作萩。九年。公羊釋文。亦曰。椒。一本作萩。或作萩。

襄二十六年。左傳。椒鳴。楚語。作萩。鳴。椒舉。古今人表。作萩。舉。昭三年。傳。子服。椒。千三年。傳。子服。萩。又

作秋也。劉秋字伯益。與鬪。椒字伯芩。同芩。益。皆芩之假借也。鬪。伯芩之子。爲益。黃。見說苑。善說篇。益即芩也。以其

父字爲氏。

鄭公孫黃字子蟠。襄九年。左傳注。

說文。黃。毒蟲也。黃與蟠。居天切。毒蟲也。徐木皆云。蟠。蟲也。案說文。蛸。

述二十三

三

蟠。戴。毒。蟻。黃。六字。連文。則蟠爲毒蟲矣。蟲也。之上。本有毒字。寫者脫去。曰。蕭。諺。漢書。朱博。傳。音義。引。呂。靖。韻集云。蟠。毒蟲也。玉篇。與韻集。同。並本說文。

案。蟠。即黃也。以其尾之夭。蟠。上曲。故謂之蟠。鄭公孫黃字子蟠。齊公孫黃字子尾。

其義一也。禹貢。厥草惟夭。厥木惟喬。說文云。夭。屈也。

喬。高而曲也。爾雅。釋木。句如羽。喬。上句曰喬。小枝上。

繚。爲喬。釋獸。人曰。橋。郭璞注。句如羽。喬。曰樹枝。曲。卷。

似。鳥毛羽。注。小枝上。繚。爲喬。曰。謂細枝皆翹。繚。上。向。

注。人曰。橋。曰。頻。伸。天。橋。犬。人。賦。低。昂。天。蟠。以。倨。傲。兮。

詘。折。隆。窮。躩。以。連。卷。喬。橋。蟠。譬。近。而。義。同。小雅。都人。

十篇。卷髮如蟠。箋云。蟠。蟄蟲也。尾末捷然。似婦人髮。

末曲上卷然。是其義矣。

齊公孫薑字子尾

昭三年左傳

魯公子奚斯字子魚

閔二年左傳

奚讀為鮭。聲近假借也。鮭廣韻古攜苦圭戶佳三切音皆與奚相近。鮭之為奚猶

鞅之為斯。語詞北山經敦蒙之水。其中多赤鮭。郭注

云。今名鮭鮠為鮭魚。論衡言毒篇。毒螫渥者。杜魚則

為鮭。與鮐鮒。故人食鮭肝而外。今人所謂河狔也。或

曰。奚斯。馬名。楮白馬。賦注引劉邵趙都賦曰。良馬則

飛兔奚斯。常驪紫燕。或作雞斯。藝文類聚獸部上引

太公六韜曰。太公與散宜生得犬戎氏文馬。毫毛朱

述二十三

三

鬣。目如黃金。名雞斯之乘是也。字子魚者。魚讀為圍

鄭眾注夏官校人曰。蒼馬為圍。

衛史鮪字魚

襄二十九年左傳注。論語衛靈公篇注。

爾雅。鮪。鮪。郭注云。今泥鮪。釋文引字林云。似鮪。鮪同俗作

鮪。短小。

晉羊舌鮪字叔魚

昭十三年左傳

廣雅。鮪。鮪也。并九二。并谷射鮪。鄭注云。所生無大魚

但多鮪魚耳。言微小也。見劉逵吳都賦注。今人謂之鮪魚。

楚公子魴字子魚

昭十七年左傳

爾雅。魴。魴。郭注云。江東呼魴魚為魴。案今人猶謂之

鰕魚

衛祝鮀字子魚

鮀定四年左傳作化假借字也。論語雅也篇憲問篇正作鮀。

爾雅鮀鮀郭注云今吹沙小魚體圓而有點文小雅

魚麗篇魚麗于罟鱮鮀釋文引舍人爾雅注云鮀石

鮀也陸機疏云鮀魚吹沙也似鯽魚狹小常張口吹

沙

見初學記

梁鱣字叔魚

仲尼弟子傳集解云鱣一作鯉

衛風碩人篇鱣鮪發發陸機疏云鱣形似龍銳頭口

杜頷下背上腹下皆有甲縱廣四五尺今於盟津石

磧上釣取之大者千餘斤郭璞爾雅注云鱣大魚似

述二十三

音

鱣而短鼻口杜頷下體有邪行甲無鱗肉黃大者長

二三丈今江東呼為黃魚

魯孔鯉字伯魚

史記孔子世家

衛公子鱣字子鮮

襄十四年左傳

士喪禮魚鱣鮪九釋文鱣市轉反劉市專反呂氏春秋本味篇魚

之美者洞庭之鱣高注曰鱣魚名鮮說文作鱣云新

魚精也

段云精即鱣字

衛庚公豈字子魚

襄十四年左傳孟行亂婁篇作庚公之斯古音支歌相近斯即豈也

豈讀為鱣說文鱣俗作鱣藏魚也南方謂之鱣北方

謂之鱣一曰大魚為鱣小魚為鱣字或作鱣天官庖

人共祭祀之好羞。鄭注云：若荊州之鱧魚，青州之蟹胥。

宋公子圍龜字子靈。成五年左傳

圍讀為違，同聲假借也。易繫辭傳：範圍天地之化而不過。釋文：範圍，馬王肅張作

犯違。管子形勢篇：其功逆天者，天違之。宋本：違作圍。表記：不廢日月，不違龜筮。

違龜，猶違卜也。大誥曰：王害不違卜。是也。靈猶神也。

頤初九曰：舍爾靈龜，春官龜人。天龜曰靈，屬爾雅曰：

龜俯者靈。

魯展喜字乙。僖二十六年左傳：展喜，魯語作乙喜。案喜，名也。乙，字也。文十一年傳：正義曰：古人連

言名字者，皆先字後名。故稱乙喜，猶晉解彘字張而左傳稱張彘。鄭公子駢字子馴，而楚語稱駢駢也。

述二十三

三

乙當為乞，說文：乞，鳥轄切。元鳥也。齊魯謂之乞，訖或從

鳥。又曰：孔，通也。從乞從子。乞，請子之候鳥也。乞至而

得子，嘉美之也。古人名嘉字子孔，案嘉者，喜也。禮運

嘉，樂也。樂亦喜也。祭義：父母愛之，嘉而不忘。大戴禮：會子大孝篇：嘉作喜。襄十九年左氏春秋：公子嘉，公

羊嘉作喜。漢書：古今人表：鄭簡公嘉。史記：十二諸侯表：嘉作喜。楚辭：天問：簡狄杜臺

譽何宜。元鳥致詒女何嘉。王注云：簡狄侍帝譽於臺

上，有飛燕墮遺其卵，喜而吞之，因生契也。是也。古者

乞至而喜，故名喜字乞。

越文種字禽。呂氏春秋當染篇注

種讀為雛，玉篇：雛，充鞏切。雀也。廣韻：雛，小鳥飛也。故字

禽 其氏子

晉韓籍字叔禽 元和 姓纂

籍讀為鵠。古音籍與鵠相近。 詳見唐韻正 故鵠通作籍。春

秋時。晉有蒲城鵠居。 成二年左傳正義引世本 戰國時。秦有扁鵲。

策。莊子有瞿鵠子。 齊物論篇 是古人多以鵠為名者也。名

鵠故字禽。 附楚項籍字羽 羽本紀

籍亦鵠之假借。鵠鳥名也。故字羽。

原籍字亢。 仲尼弟子傳原亢籍集解引家語曰。名亢字籍。案亢字也。籍名也。稱亢籍者。文十一年左傳正義曰。古人連言名字者。皆先字後名。家語非也。

籍亦鵠之假借。鵠鳥名也。故字羽。

述二三 美

籍亦鵠之假借。字亢者。爾雅曰。亢。鳥隴。

陳亢字子禽 論語學而篇鄭注

與原鵠字亢同義。

魯公子暈字羽父 隱四年左傳 鄭公孫揮字子羽 襄二十四年傳

暈。本字也。揮。借字也。爾雅。鷹隼。醜。其飛也。暈。舍人注。

云。暈。暈。其飛疾。羽聲也。 小雅斯子篇正義 或曰。暈。雉名。公子

暈字羽。猶項鵠字羽也。爾雅說雉曰。伊雒而南。素質

五采。皆備。成章曰暈。郭注云。言其毛色光鮮。

晉知罃字子羽 晉誥注

罃。讀為鶯。小雅桑扈。篇有鶯其羽。毛傳云。鶯然有文。

章廣韻鸞鳥羽文也

晉卻豹字叔虎晉語注

楚成熊字虎昭十二年左氏經傳

成熊公羊作成然字之誤也。隸書熊字作熊。漢劉熊碑或

作熊。白石神君碑然字作然。劉熊碑或作然。邨閣頌字形相似

故謬白虎通義號篇黃帝有天下號曰有熊本皆誤

為自然正與此同

晉羊舌虎字叔熊唐書宰相世系表

楚鬪穀於菟字子文

宣四年左傳若敖娶于邲生鬪伯比若敖卒從其母

述二十三 三七

畜於邲淫於邲子之女生子文焉邲夫人使棄諸夢

中。虎乳之邲子田見之懼而歸夫人以告遂使收之

楚人謂乳穀奴口反謂虎於菟音菟徒音菟故命之曰鬪此字衍說

見經義述聞左傳穀於菟。案於菟虎文。魏說文。菟黃牛虎文

讀若涂。菟。餘聲義竝同。虎有文謂之於菟。故牛有虎

文謂之於菟。於菟云者言其文之於菟然也。說文虎。虎

文也。於菟與虎聲近而義同。單言之謂之虎。重言之

謂之於菟

鄭罕虎字子皮襄三十一年左傳

宋華羆字子皮昭二十一年左傳

爾雅 羆 丑子 似狸郭注云今羆虎也大如狗文如狸

魯展獲字禽 魯語

說文獲獵所獲也曲禮正義曰爾雅云三足而羽謂

之禽四足而毛謂之獸通而為說獸亦可曰禽故易

曰王用三驅失前禽則驅走者亦曰禽也又周禮司

馬職云大獸公之小禽私之以此而言則禽未必皆

鳥也禽名通獸者以其小獸可擒故得通名禽也 上

正義名獲字禽者義取田獵得獸也或曰戰伐得囚俘

曰獲亦曰禽禽古擒字也 周易集解并 卦崔憬注 襄二十四年

左傳收禽挾囚杜注云禽獲也僖二十二年傳不禽

述二十三

三毛即檀弓之不獲二毛也

鄭公子駢字子駟 襄八年 左傳

說文駢駢豸馬駟一乘也墨子七患篇云凶饑存乎

國人君徹駢駢謂但駕兩服不駕兩駢也秦風小戎

正義云車駕四馬在內兩馬謂之服在外兩馬謂之

駢春秋時鄭公子駢字子駟是有駢乃成駟也桓三

年左傳正義云駢馬名駢者以駟馬有駢駢之容故

少儀云駢駢翼翼案駢之言分也左右分列也駢之

言妃也左右相配也駢之言駢也與兩服相芘倚也

駢之言葉也與兩服為輔弼也若取駢駢翼翼之義

則四牡駢駢。小雅所詠。不得兩驂。獨謂之駢矣。

魯子家羈字駒

荀子大略篇注

說交羈馬絡頭也。馬二歲曰駒。案絡頭今謂之籠頭。

馬一歲則著籠頭。

萊正與字子馬

荀子堯問篇注。案正蓋氏也。

駕馬所以引輿也。

宋司馬耕字子牛

仲尼弟子傳

一名犁

論語顏淵篇注

魯冉耕字伯

牛

仲尼弟子傳

古者耕以人耦。不用牛力。作耕非本義也。耕當讀為

輕。說交輕

口蓋切

牛。犁下骨也。引春秋傳曰。宋司馬輕

述二十三

堯

字牛。即司馬耕也。昭二十年傳有華輕。孟子告子篇

有宋輕。是古人多以輕為名。司馬輕亦是也。冉耕亦

當為冉輕。古字假借耳。司馬牛一名犁者。論語離也

篇。犁牛之子。駢且角。何注云。犁。雜文也。淮南說山篇

甄屯犁牛。既科以橈。

橈。今本誤作櫛。辨見淮南雜志。

高注云。犁牛不

純色。

莒苑牧之字羊

昭二十二年左傳。案昭二十年傳有苑何忌。則苑乃姓也。古姓名與字並稱者。

孟明視苑羊牧之是矣

宋羊斟字叔牂

宣二年左傳。案羊斟名也。

羊斟。史記宋微子世家作羊羹。案羊斟即羊羹也。肉

汁謂之羹亦謂之斟燕策厨人進斟羹史記張儀傳

作厨人進斟趙世家使厨人索隱云斟謂羹汁故名

汁曰斟方言斟汁也北燕朝鮮洌水之閉曰斟關而

曰沛羊斟字叔牂者爾雅云羊牝牂錢氏曉徵蒼新

錄云淮南繆稱云魯酒薄而邯鄲圍羊羹不斟而宋

國危則斟為斟酌之義左傳其御羊斟不與當以羊

為其御之名斟不與三字為句細玩下文其御字叔

牂正與羊名相應傳文後兩斟字或後人所加引之

案呂氏春秋察微篇鄭公子歸生率師伐宋宋華元

率師應之大棘羊斟御明日將戰華元殺羊饗士羊

斟不與焉則華元之御自以羊斟二字為名傳云其

御羊斟不與又云君子謂羊斟非人也又云詩所謂

人之無良者其羊斟之謂乎皆以羊斟連讀不得以

斟不與三字為句亦不得謂下文兩言羊斟斟字皆

後人所加也淮南所云當由誤讀左傳而然殊不足

據漢書古今人表亦有羊斟斟字之屬上讀明甚

衛高柴字子羔仲尼弟南耶云羊斟強乃熱燔

柴讀為莘同聲假借也說文莘三篇七羊名蹠皮可

以割黍召南羔羊傳云小曰羔大曰羊爾雅對

名字相應故訓所存而古義不可周知姑闕所疑以

述二三

早

俟達者列如左。

晉寺人勃鞞字伯楚晉語一名披鞞五年左傳案勃鞞之合聲爲披。

宋公子目夷字子魚僖八年左傳

魯公子買字子叢僖二十八年左傳

楚公子嬰齊字子重宣十一年左傳注

楚公子貞字子囊成十五年左傳注

鄭良霄字伯有襄十一年左氏經注

鄭罕嬰齊字子藹昭十六年左傳注

楚伍員字子胥昭二十一年左傳注

魯季公亥字若昭二十五年左傳

述二十三

聖

宋樂祁字子梁定八年左傳

衛公孫彌牟字子之哀十二年左傳注

齊顏涿聚字庚哀二十三年左傳注

宋樂茂字子潞哀二十六年左傳

晉士蒍字子輿晉語注

晉祁奚字黃羊呂氏春秋去私篇注

齊離人巫字易牙史記齊世家索隱引賈逵左傳注

魯孔箕字子京史記孔子世家

魯冉雍字仲弓以下並見史記仲尼弟子傳

武城澹臺滅明字子羽

江東矯疵字子庸

淳于光羽字子乘

魯公夏首字乘

魯縣成字子祺上與榮旂字子祺相連疑因此誤衍字子祺三字。

衛廉絜字庸

魯公而葺字子上上與公面與如字子上相連疑因此誤衍字子上三字。

伯仲叔季兄弟之序也或與字俱稱或即以爲字雖

以爲字與命名之義不相比屬列如左。

魯費庠父字伯隱二年左傳注

鄭祭足字仲桓五年左傳稱祭足十一年傳稱祭仲是名也仲字也杜注以爲名仲字仲足失之

述二十三

巽

魯公子慶父字仲莊二年左氏經稱公子慶父八年傳稱仲慶父慶父名也仲字也古人以

其後爲仲孫氏

魯公子牙字叔莊三十二年左氏經稱公子牙傳稱叔牙牙名也叔字也古人以王父字爲氏

故其後爲叔孫氏

魯公子友字季莊二十七年左傳稱公子友三十二年傳稱季友閔二年傳稱成季友名也季

字也古人以王父字爲氏故其後爲季孫氏

楚成大心字孫伯僖二十八年左傳注

晉荀林父字伯宣十五年左傳注

衛侯剽字子叔襄二十六年左傳

魯公子愁字子仲昭十二年左傳

宋皇野字子仲

哀十四年左傳

魯公肩定字子中

中與仲同

魯顏之僕字叔

竝史記仲尼弟子傳

春秋內外傳人名凡注以某為某而今未知其審者

列如左

楚鬬廉鬬射師

莊三十年左傳注以為一人

宋樂鉏將鉏

成十六年左傳正義云杜預於樂氏之下樂鉏將鉏為一人傳無樂鉏之矣不知其

故何也

宋皇郈大司馬椒

襄九年左傳正義引服虔注以為一人

鄭石爨石孟

襄二十二年左傳注

述二十三

聖

鄭子般駟宏子思

哀二年左傳注以子般為駟宏二十年七年傳注以子思為國參世族譜則

以子般駟宏子思為一人

魯公子括伯御

周語注以括為伯御史記魯世家則以伯御為括之子

魯匠師慶御孫

魯語匠師慶宗人夏父展莊二十四年左傳皆作御孫未知二人中孰為御孫

也章注則以慶為御孫之名

晉董褐司馬演

吳語注以為一人哀十三年左傳作司馬寅

晉竇犇字鳴犢

史記孔子世家謂竇鳴犢犇犇之夙索隱云竇犇字鳴犢案史記原文當作聞

鳴犢竇犇之夙而無犇犇二字下文竇鳴犢犇犇晉國之賢大夫也亦當作鳴犢竇犇晉國之賢大夫也蓋鳴犢一人也竇犇又一人也漢書古今人表以鳴犢竇犇

二人竝列孔叢子記問篇夫子及河間鳴犢與竇犇之見殺也迥與而旋皆本於史記而不及犇犇或作鐸鳴

犢犇魏志劉虞傳注引新序以趙犢犇音鐸鳴魯孔某

為三人。或作澤鳴憤。說苑權謀篇以晉澤鳴憤。華魯孔某為三人。而亦不及舜華。惟家語因誓篇襲史記之文而妄改之曰。越簡子殺竇華。鳴憤及舜華。且以為二人。則是以竇華。鳴憤為一人。舜華為一人也。後人又據之以改史記。遂易鳴憤竇華之文為竇鳴憤舜華。而原本不可復識矣。然考集解云。或作鳴鐸竇華。又作竇鳴憤舜華也。蓋裴駙所據本作鳴憤竇華。其本或作鳴鐸竇華。又或以家語改史。作竇鳴憤舜華耳。後人惑於家語。乃以改竇之本為正文。逕作竇鳴憤舜華。遂與別本重複。不知正文作鳴憤竇華。故集解記別本云。又作竇鳴憤舜華。若正文已作竇鳴憤舜華。則集解不須記此本矣。據別本以校正文。其作鳴憤竇華。明甚。顏師古注漢書劉輔傳曰。鳴憤鐸華。史記及古今人表。竇以為鳴憤竇華。是其證也。小司馬不能釐正。乃據改竄之本而解之云。竇華字鳴憤。疏矣。唐書宰相世系表。古今姓氏書辨證。通志。氏族略。皆沿誤本史記之誤。

附 晉文侯仇字義和。正義引鄭注云。義讀為儀。儀仇皆匹也。故名仇字儀。案古天子於諸侯無稱字者。康誥酒誥。梓材三篇。王若曰。小子封。王曰。封。定四年左傳。引蔡

述二三

器

仲命書云。王曰。胡。又引踐土之盟。載書云。王若曰。晉重魯申。衛武。蔡甲。午。鄭捷。齊潘。宋王臣。莒期。皆稱其名。其他則稱伯父。伯舅。叔父。叔舅而已。未有稱字者也。或以義為字。或以義和為字。竝當闕疑。附 鄒孟軻字子輿。文選辨命論引傅子云。鄒之君子孟序。釋文正義竝云。姓孟名軻。字子輿。臧氏面成曰。趙岐孟子題辭云。孟子。鄒人也。名軻。字則未聞也。據此則孟子無字。

左傳人名有似異而實同者列如左

晉司馬督。昭二十八年傳。案身乃篤之譌。篤與督古字通。漢書古今人

表正作司馬篤。

晉魏曼多。定十三年傳。魏侈。趙世家。案多侈。侈

魯孟孺子洩。武伯彘。哀十一年左傳。注。案洩。彘。彘聲相近。故彘通作洩。

王肅家語所列名字異於他書者皆不可信不敢臆

入列如左。

有若字子有 七十二弟子篇案史記仲尼弟子傳不云字子有。

漆雕開字子若 同上案史記作漆雕啓字子開。

秦商字不慈 同上案史記作字子丕。

琴牢字子開一字張 同上案昭二十年左傳及孟子盡子琴張而無琴牢之文論語子罕篇牢曰鄭注亦不以爲琴張牢與琴張本非一人也而云琴牢字子開一字張又於家語序中表箸之其爲臆撰之說顯然可見杜預乃用其說以注左傳誤矣漢書古今人表琴牢當作琴張後人據家語改之也琴張見於左傳孟子故人表列之若琴牢則書傳所無何出得列於人表乎。

冉孺字子魚 同上案史記作字子魯。

伯虔字楷 同上案史記作字析楷蓋哲之譌哲與析通史記正義引家語作字哲哲亦哲之譌。

陳亢字子亢一字子禽 同上案論語學而篇鄭注陳亢字子禽不云字子亢此因檀弓陳子亢而增之也不知陳子亢別是一人案古今人表陳亢列第五陳子亢列第六梁氏曜北云陳子亢是子車弟子亢字也與陳人名亢字子禽者判然不同。

自鄭注檀弓誤云子亢孔子弟子遂以爲一人。

奚箴字子楷 同上案史記作奚容箴

廉潔字子曹 同上案史記作字庸。

公西減字子尚 同上案史記作公西蒧字子上。

穰駟赤字子從 同上案史記穰作穰從作從。

冉季字子產 同上案單行本史記索隱作冉季產季乃長幼之序非名也不得云冉季字子產今本史記亦作冉季字子產後人以家語改之也。

薛邦字子從

同上。案史記作鄭國字子徒。

縣直字子象

同上。案史記作鄭單字子家。

狄黑字哲之

同上。案史記作字哲。

商澤字子秀

同上。案史記無字子秀三字。集解引家語作字季。

原抗字子藉

同上。案史記作原亢籍。

漆雕從字子文

同上。案史記從作徒無字子文三字。

公夏守字子乘

同上。案史記守作首。

申繆字子周

同上。案史記公伯僚字子周。申黨字周。而無申繆字子周之文。繆。今本家語誤作績。

史記正義引作繆

孔忠字子蔑

同上。案史記無字子蔑三字。

述二十三

吳

縣成字子橫

同上。案史記橫作祺。

顏相字子襄

同上。案史記相作祖。

宋父周

本姓篤。案商頌那篤正義引世本弗甫。何生宋父。無周字。潛夫論志氏姓篤同。

世子勝

同上。案商頌正義引世本無此一代。潛夫論但云宋父。生世子。而無勝字。

畢夷

同上。案商頌正義引世本作祁父。潛夫論同。無作畢夷者。

子家名傲後名永

後序。案永益求字之誤。史記孔子世家作求字子家。漢書孔光傳作子家。

求不云名傲。

子直名檻

同上。案史記作箕子。京漢書作子真箕。

武字子順名微後名斌

同上。案史記作子慎。漢書作順。而無武微斌三名。

子魚名鮒後名甲

同上。案史記孔子世家云子慎生鮒。儒林傳謂之孔甲。而無字子魚之夾。

敘曰名字者自管相承之詁言也白虎通曰聞名卽知其字聞字卽知其名蓋名之與字義相比附故叔重說文屢引古人名字發明古訓莫著於此觸類而引申之學者之事也夫詁訓之要在聲音不杜文字聲之相同相近者義每不甚相遠故名字相沿不必皆其本字其所假借今韻復多異音畫字體以爲說執今音以測義斯於古訓多所未達不明其要故也今之所說多取古音相近之字以爲解雖今亾其訓猶將罕譬而喻依聲託義焉爰考義類定以五體一曰同訓子字子我常字子恆之屬是也二曰對文沒字子明偃字子犯之屬是也三曰連類括字子容側字子反之屬是也四曰指實丹字子革啟字子閭之屬是也五曰辨物鉞字子車鱣字子魚之屬是也因斯五體測以六例一曰通作徒字爲都籍字爲鵠之屬是也二曰辨譌高字爲克狄字爲秋之屬是也三曰合聲徐言爲成然疾言爲旃之屬是也四曰轉語結字子綦達字子姚之屬是也五曰發聲不杜爲狂無畏爲畏之屬是也六曰竝稱乙喜字乙張侯字張之屬是也訓詁列杜上編名物分爲下卷眾著者不爲贅設之詞難曉者悉從闕疑之例上稽典文旁及謠俗亦欲以究聲音之統貫察訓詁之會通云爾至

於解釋不明援引鮮當大雅宏達其有以教之矣

經義述聞弟二十三



吳



07855

07855

經義述聞卷二十三

於解釋不明援引鮮當大雅宏達其有以教之矣

